

1971

საქართველოს სსრ განათლების სამინისტროს



ბრძანებათა და ინსტრუქციათა

კრებული

СБОРНИК

ПРИКАЗОВ И ИНСТРУКЦИЙ

Министерства просвещения Грузинской ССР

3

მარტი

და მ ტ კ ი ც ე ბ უ ლ ი •
სსრ კავშირის განათლების მინისტრის
მ. პ. რ. კ. ო. ფ. ი. ე. ვ. ის მიერ 1970 წ.
31 დეკემბერს

ი ნ ს ტ რ უ ქ ც ი ა

ზოგადსაგანმანათლებლო საშუალო სკოლის მოსწავლეთა ყოფაქცევის შესახებ


საშუალო ზოგადსაგანმანათლებლო სკოლის წესდებას ბუთ-
ბალიანი სისტემის ნაცვლად შემოაქვს მოსწავლეთა ყოფაქცევის
შემდეგი შეფასება: „სანიმუშო“, „დამაკმაყოფილებელი“ და „არა-
დამაკმაყოფილებელი“. მოსწავლეთა ყოფაქცევას I—III (IV) კლა-
სებში აფასებენ მასწავლებლები და IV—X (XI) კლასებში—კლასის
ხელმძღვანელები.

IV—X (XI) კლასების მოსწავლეთა ყოფაქცევის შეფასებისას
გათვალისწინებულ უნდა იქნეს ამ კლასების მასწავლებელთა, სკო-
ლის საზოგადოებრივი ორგანიზაციების აზრი.

ყოფაქცევის შეფასების ახალი წესის შემოღება უნდა ემსახუ-
რობდეს მთავარ ამოცანას—მოსწავლეთა შეგნებული დისციპლი-
ნის განმტკიცებას.

მოსწავლეთა ყოფაქცევის ნიშნების გამოყვანა მოითხოვს
სწორ მეთოდურ მიდგომას და პედაგოგიურ ტაქტს, შეფასება
უნდა იყოს ობიექტური და ასახავდეს მოსწავლის ქცევის ნამდვილ
სურათს. მის მიერ სოციალისტური თანაცხოვრების ნორმების
შესრულებას.

ყოფაქცევის შეფასების მთავარი კრიტერიუმი არის მოსწავ-
ლის მიერ თავისი ძირითადი მოვალეობების შესრულება, რაც ნა-
მოყალიბებელია „მოსწავლეთა წესებში“.



საშუალო ზოგადსაგანმანათლებლო სკოლის წესდებით გათვალისწინებულია მოსწავლეთა ყოფაქცევის ორი დადებითი შეფასება: „დამაკმაყოფილებელი“ და „სანიმუშო“.

შეფასება „დამაკმაყოფილებელი“ დაეწერებათ იმ მოსწავლეებს, რომლებიც ასრულებენ „მოსწავლეთა წესებით“ განსაზღვრულ სკოლის ძირითად მოთხოვნებს, მონაწილეობენ სკოლის საზოგადოებრივ ცხოვრებასა და საზოგადოებრივ სასარგებლო შრომაში. ეს შეფასება ახასიათებს მოსწავლეთა მნიშვნელოვანი ნაწილის ყოფაქცევას. მისი დაწერა არ უნდა განიხილებოდეს როგორც განსაკუთრებულა შემთხვევა.

შეფასება „სანიმუშო“ ეწერებათ მოსწავლეებს, რომლებიც უფრო ბეჯითად სწავლობენ და განსაკუთრებით აქტიურად მონაწილეობენ კლასისა და სკოლის საზოგადოებრივ ცხოვრებაში და საზოგადოებრივ სასარგებლო შრომაში, სანიმუშოდ იქცევიან სკოლაში, შინ და ქუჩაში, განუხრელად ასრულებენ „მოსწავლეთა წესებს“. შეფასება „სანიმუშო“ უნდა დაეწეროს მოსწავლეთა მხოლოდ იმ ნაწილს, რომელთა ყოფაქცევა სამაგალითო იქნება სხვა მოსწავლეებისათვის.

შეფასება „არადამაკმაყოფილებელი“ ეწერებათ მოსწავლეებს, რომლებიც სისტემატურად არ ასრულებენ „მოსწავლეთა წესებით“ გათვალისწინებულ თავიანთ ძირითად მოვალეობებს, არ ემორჩილებიან სკოლის, მასწავლებლების მოთხოვნებს, უდისციპლინობას იჩენენ სკოლაში. ოჯახში, საზოგადოებრივ ადგილებში. ცალკეულ შემთხვევებში შეფასება „არადამაკმაყოფილებელი“ შეიძლება დაეწეროს მოსწავლის მიერ ერთეული ანტისაზოგადოებრივი, სამართლის დარღვევის ხასიათის საქციელისათვის.

ყოფაქცევის შეფასება ხდება სასწავლო მეოთხედებისა და სასწავლო წლის შედეგების მიხედვით. ის იწერება მოსწავლის დღიურში და ეცნობება მშობლებს. სასწავლო კვირის შედეგების მიხედვით მასწავლებელს (I—III კლასები) და კლასის ხელმძღვანელს (IV—X (XI) კლასები) აუცილებლობის შემთხვევაში მოსწავლის დღიურში შეაქვთ მისი ყოფაქცევის შესახებ მოკლე ჩანაწერი.

წლიური არადამაკმაყოფილებელი შეფასება ყოფაქცევაში მოსწავლეებს ეწერებათ მხოლოდ სკოლის პედაგოგიური საბჭოს გადაწყვეტილების შემდეგ. ამ შემთხვევაში კლასის ხელმძღვანელები და I—III კლასების მასწავლებლები პედაგოგიურ საბჭოს უდგე-

ნენ მოტივირებულ დასაბუთებას პიონერული და კომკავშირული ორგანიზაციებისა და მოსწავლეთა თვითმმართველობის ასრის გათვალისწინებით.

გამოსაშვები (X ან XI) კლასის მოსწავლეები, რომლებსაც ყოფაქცევაში აქვთ წლიური არაღამაკმაყოფილებელი შეფასება, წესდების მე-20 პარაგრაფის შესაბამისად, გამოცდებზე არ დაიშვებიან და ისინი იღებენ ცნობას იმის შესახებ, რომ მოისმინეთ საშუალო ზოგადსაგანმანათლებლო სკოლის კურსი; საშუალო განათლების ატესტატზე გამოცდები მათ შეუძლიათ ჩააბარონ მომდევნო სამ წელიწადში—დანგენილი წესით, სამუშაო ადგილიდან დადებითი დახასიათების წარმოდგენის შემდეგ.

თუ იმ კლასების მოსწავლეები, რომელი კლასებაც გამოსაშვები არ არის,—ყოფაქცევაში წლიურ არაღამაკმაყოფილებელ შეფასებას მიიღებენ, შემდეგ კლასში ისინი პირობით იქნებიან გადაყვანილი, მოსწავლის მიერ ყოფაქცევაში არაღამაკმაყოფილებელი შეფასების განმეორებით მიღებისას, მასწავლებლებისა და სკოლის ხელმძღვანელებისადმი სისტემატური დაუმორჩილებლობისა და დისციპლინის უბეში დარღვევის შემთხვევაში, პედაგოგიური საბჭო განიხილავს მისი სკოლიდან გარიცხვის საკითხს.

VIII კლასის მოსწავლეები, რომლებსაც ყოფაქცევაში წლიური შეფასება „არაღამაკმაყოფილებელი“ აქვთ, იღებენ რვაკლასიანი განათლების მოწმობას ყოფაქცევის შეფასების ხაზზე შესაბამისი ჩანაწერით. ასეთი მოსწავლეების IX კლასში ჩარიცხვის საკითხი შეიძლება გადაწყვიტოს მხოლოდ სკოლის პედაგოგიურმა საბჭომ.

ა მ თ ნ ა წ ე რ ი

საქართველოს სსრ განათლების სამინისტროს
კოლეგიის 1970 წლის 25 დეკემბრის სხდომის
ოქმიდან № 28

მოიხიენ: საღამოს (ცვლის) და დაუსწრებელი სკოლების IX—XI კლასებში ქართული ენის სწავლების ზოგი საკითხისა და შესასწავლი მასალის განაწილების განხილვა-დამტკიცების შესახებ (მომხს. ს. დვალი).

აზრი გამოთქვეს: ამხ. ამხ. ვ. ჩინჩალაძემ, თ. ლაშქარაშვილმა.

დაადგინეს: 1. დამტკიცდეს საღამოს (ცვლის) და დაუსწრებელი სკოლების IX—XI კლასებში ქართულ ენაში შესასწავლი მასალის განაწილება და მეთოდური რეკომენდაციები, რომლებიც მოცემულია შესაბამისი სამმართველოს მიერ წარმოდგენილ წერილში — „საღამოს“ (ცვლის) და დაუსწრებელი სკოლების IX—XI კლასებში ქართული ენის სწავლების ზოგი საკითხისა და შესასწავლი მასალის შერჩევა-განაწილების შესახებ“.

2. საღამოსა და დაუსწრებელი სკოლების სამმართველომ (ამხ. ვ. ჩინჩალაძე) სახელმძღვანელოდ დაუგზავნოს ამ ტიპის სკოლებს ზემოაღნიშნული მასალა.

3. ყურნალმა „სკოლა და ცხოვრებამ“ (ამხ. გრ. საჯავია) და გაზეთმა „სახალხო განათლებამ“ (ამხ. ნ. შველიძე) რესპუბლიკის საღამოს (ცვლის) და დაუსწრებელი სკოლების ქართული ენისა



და ლიტერატურის მასწავლებელთა დასახმარებლად
პერიოდულად გამოაქვეყნონ მეთოდური ხასიათის წე-
რილები საღამოს (ცვლის) და დაუსწრებელ სკოლე-
ბში ქართული ენის სწავლების ცალკეულ სა-
კითხებზე.

თავმჯდომარე თ. ლაშქარაშვილი
მდივანი ელ. აგლაძე.

სალამოს (ცვლის) და დაუსწრებელი სკოლების IX—XI კლასებში ქართული ენის სწავლების ზოგი საკითხისა და სასწავლო მასალის განაწილების შესახებ

როგორც ცნობილია, სალამოს (ცვლის) და დაუსწრებელი სკოლების მოსწავლეთა კონტინგენტი გარკვეული თავისებურებით ხასიათდება: ერთი და იმავე კლასის ახალგაზრდები სხვადასხვა დროს სწავლობდნენ მასობრივ სკოლაში; მათ სწავლის ინტერესი და აკადემიური წარმატებაც, ბუნებრივია, განსხვავებული, უფრო ხშირად კი დაბალი ჰქონდათ. გარკვეული წლების მანძილზე მათ სწავლას თავი მიანებეს და ისედაც არასაკმაო ცოდნიდან ზოგი რამ დავიწყებას მიეცა. საბოლოო ანგარიშით, ამ გარემოებაში (ზოგ სხვა ფაქტორთან ერთად) განაპირობა კლასის დაკომპლექტება საკმაოდ ჭრელი, განსხვავებული ცოდნის მქონე კონტინგენტით.

მოსწავლეთა მომზადების დაბალი დონე უპირველეს ყოვლისა ვლინდება მათს დაბალ წიგნიერებაში. წერითი და ზეპირი მეტყველების ჩვევათა სისუსტეში. ასეთი ვათარება გაითვალისწინა საქართველოს სსრ განათლების სამინისტრომ და გასული, 1969—70 სასწავლო წლიდან სალამოს (ცვლის) და დაუსწრებელი სკოლების IX—XI კლასებში შემოიღო ქართული ენის სწავლება (კლასში თითო კვირეული საათი).

აღნიშნული კლასების ქართული ენისა და ლიტერატურის მასწავლებელთა წინაშე გართულებული სახით დაისვა საერთოდ კარგად ცნობილი ამოცანა—რა ასწავლონ და როგორ ასწავლონ; ამ ამოცანის გადაჭრას უპირველეს ყოვლისა აძნელებს და ართულებს ოფიციალური პროგრამისა და სახელმძღვანელოს უქონლობა, აგრეთვე დამხმარე სახელმძღვანელოს და მეთოდურ მითითებათა უქონლობაც.

ამის გამო სასწავლო მასალის დამოუკიდებლად დაგეგმვა უჭირთ არა მარტო დამწყებ, არამედ სათანადო პედაგოგიური გა-

მოცდილების მქონე მასწავლებლებსაც; დღემდე, როგორც შემო-
წმებამ გვიჩვენა, ყველა მასწავლებელმა ვერ მონახა საგნის სწავ-
ლების ამოსავალი პრინციპი: ვერ შეძლო სასწავლო მასალის და-
გეგმვა მოსწავლეთა ფაქტობრივი ცოდნის დონის შესაბამისად.

მიუხედავად იმისა, რომ სასწავლო მასალა თვითუღმა მას-
წავლებელმა შეიძლება შეარჩიოს ცნობიერებულად, კლასის მოს-
წავლეთა მომზადების მიხედვით, მაინც აუცილებლად მივიჩინეთ
ზოგადად მაინც გაგვეთვალისწინებინა შესასწავლი მასალის მო-
ცულობა.

ქართული ენის გრამატიკის ძირითადი კურსი, როგორც ცნო-
ბილია, უკვე შესწავლილია რვაწლიან სკოლაში; IX--XI კლა-
სებში ქართული ენის სწავლებისას მთავარი ადგილი უნდა დაეთ-
მოს მართლწერის თვალსაზრისით განსაკუთრებით საჭირო წესე-
ბის განმეორებას, ან (როცა ეს აუცილებელია) ზოგი მაკვანის
ხელახლა შესწავლას და ამ გზით მართლწერისა და მართლმეტყვე-
ლების ჩვევათა განმტკიცებას.

მხედველობაში უნდა მივიღოთ ის გარემოებაც, რომ საღამოს
სკოლაში ხშირია მოსწავლეთა დენაობა. ამიტომ გასამეორებელი
თუ ხელახლად შესასწავლი მასალა ისე უნდა დაიგეგმოს, რომ
პერიოდულად მეორდებოდეს, ამგვარ ვითარებაში მოსწავლეები,
რომლებმაც ესა თუ ის მასალა უკვე შეისწავლეს, კიდევ უფრო
განიმტკიცებენ ცოდნას განმეორების გზით, ისინი კი, ვინც ახლად
ჩაირიცხა სკოლაში, ან ადრეც სწავლობდა, მაგრამ წარკვეუ-
ლი მდგომარეობის გამო აცდენდა სასწავლო, მეცადინეობას,
ახლად შეისწავლიან მას.

გასათვალისწინებელია ის გარემოებაც, რომ გასამეორებელ
მასალაში შიგადაშიგ მაინც უნდა ჩაერთოთ რაიმე ახალი, რათა
გაკვეთილი მოსაწყენი არ გახდეს იმათთვის, ვინც უკვე იცნობს
მასალას. ამ მიზნით შესწავლილ გრამატიკულ წესებზე დაყრდნო-
ბით უნდა ვაწარმოოთ უკვე ცნობილი ენობრივი ფაქტებს განზო-
გადება და სისტემაში მოყვანა. ახალ მასალად შეიძლება ჩაერთოთ
ქართული ენის პრაქტიკული სტილისტიკის საკითხები. მასწავლე-
ბელმა წინასწარ ღრმად უნდა შეისწავლოს კლასის მოსწავლეთა
მომზადების დონე და გზადაგზა ამუშაოს ისინი შეცდომებზე, რომ-
ლებსაც უშვებენ წერითსა და ზეპირ მეტყველებაში. თავიანთი
ასაკისა და ცხოვრებისეული გამოცდილების წყალობით ამ ტიპის
სკოლების მოსწავლეებს შეუძლიათ უფრო ხანგრძლივად და ყურა-

დღებით უსმინონ მასწავლებელს. ეს კი საშუალებას გვაძლევს
საჭირო შემთხვევაში მივმართოთ სასკოლო ლექციას და ამგზავთ
დავზოგოთ სასწავლო დროც.

სასწავლო მასალის განაწილება კლასების მიხედვით პრაქტიკულად შეიძლება ასე წარმოვიდგინოთ:

IX კლასი. მორფოლოგიაში შესწავლილი მასალების განზოგადება და სისტემატიზაცია სინტაქსის საკითხთა განმეორებასთან ერთად (ერთდროულად).

1. შესავალი საუბარი ქართული ენის შესახებ. არქაიზმები, ნეოლოგიზმები, სინონიმები, ომონიმები, ანტონიმები.. და მათი გამოყენება მეტყველებაში—1 საათი.

2. სიტყვის შედგენილობა. სიტყვათა ცვლა გრამატიკული ფორმისა და ლექსიკური მნიშვნელობის მიხედვით. წინადადების მთავარი და მეორეხარისხოვანი წევრები. წარმოქმნილ სახელთა გამოყენება წინადადებაში სტილისტური თვალსაზრისით (თბილისში ჩამოვიდნენ მოსწავლეები, რომლებიც გორში ცხოვრობენ—თბილისში ჩამოვიდნენ გორელი მოსწავლეები)—2 საათი.

3. ქართული მართლწერის მორფოლოგიური პრინციპი და მისგან გადახვევის შემთხვევები. ქვემდებარისა და შემასმენელის გამოხატვის საშუალებანი. თხზულება-მინიატურა ფაბრიკასა თუ ქარხანაში, კოლმეურნეობასა თუ საბჭოთა მეურნეობაში საღამოსა და დაუსწრებელი სკოლების მოსწავლეთა მუშაობის შესახებ—2 საათი.

4. სახელთა ბრუნებასთან დაკავშირებული მართლწერის საკითხები: ა) ადამიანის საკუთარ სახელთა ბრუნება; ბ) ფუძის კვეცა ნათესაობითსა და მოქმედებით ბრუნებებში; გ) წოდებითის ფორმათა მართლწერა; დ) მსაზღვრელის შეთანხმება საზღვრულთან; ე) ორი ერთნაირი ბგერის თავმოყრა სახელებში. ტირეს ხმარება წინადადებაში ქვემდებარისა და შემასმენლის გამოტოვების შემთხვევაში. ანკეტის შეესება—6 საათი.

5. კარნახით წერა. კარნახის დროს დაშვებულ შეცდომათა ანალიზი—2 საათი.

6. რიცხვითი სახელების მართლწერა. განსაზღვრება, განკერძოებული განსაზღვრება, განსაზღვრებიანი და განკერძოებულ-

განსაზღვრებიანი მარტივი გავრცობილი წინადადება. ეპითეტებისა და სინონიმების მოძებნა მხატვრული ნაწარმოების ტექსტში. განსაზღვრებიან და განკერძოებულგანსაზღვრებიან წინადადებათა შედგენა. შემოქმედებითი ხასიათის თხზულება (კინოსურათის ან სპექტაკლის ნახვის შედეგად მიღებულ შთაბეჭდილებათა გადმოცემა)—2 საათი.

7. ნაცვალსახელების მართლწერა. III პირის ნაცვალსახელები მრავლობით რიცხვში; I და II პირის ნაცვალსახელების გრამატიკული რიცხვის საკითხი—1 საათი.

8. საკონტროლო კარნახი—1 საათი.

9. თანდებულიან სახელთა მართლწერა. თანდებულებისა და თანდებულიანი სიტყვების შემცველ მარტივ წინადადებათა შედგენა—1 საათი.

10. ნაწილაკდართული ნაცვალსახელების მართლწერა, არ, ვერ, აღარ, ვეღარ, ნუღარ ნაწილაკების მნიშვნელობა—1 საათი.

11. კავშირი. რთული თანწყობილი და რთული ქვეწყობილი წინადადება. კავშირის ხმარება რთულ წინადადებაში. მოხსენებითი ბარათის შედგენა—6 საათი.

12. სიტყვათაწარმოებასთან დაკავშირებული მართლწერის საკითხები: ა) ურ (—ულ) ბოლოსართიანი სიტყვების მართლწერა. ბ) რთული სიტყვების (კომპოზიტების) მართლწერა; გ) შემოკლებული სახელები და შემოკლებულად წერა—2 საათი.

13. კარნახით წერა—1 საათი.

14. შესწავლილი მასალის განმაზოგადებელი განმეორება: ა) სახელთა ბრუნებასთან დაკავშირებული მართლწერის საკითხები; ბ) რიცხვითი სახელების მართლწერა. ნაცვალსახელების მართლწერა; გ) თანდებულებისა და თანდებულიანი სიტყვების მართლწერა. ნაწილაკებისა და ნაწილაკდართულ ნაცვალსახელთა მართლწერა; დ) სიტყვათაწარმოებასთან დაკავშირებული მართლწერის საკითხები. წინადადების მთავარი და მეორეხარისხოვანი წევრები. განსაზღვრება. განსაზღვრების შემცველ მარტივ გავრცობილ წინადადებათა შედგენა. სხვადასხვა სახის გარემოების შემცველ მარტივ გავრცობილ წინადადებათა შედგენა. განცხადების დაწერა—4 საათი.

15. საკონტროლო კარნახი—1 საათი.

16. წემაჯამებელი მეცადინეობა—3 საათი.

X კლასი. სინტაქსში შესწავლილი მასალების განზოგადება და სისტემატიზაცია მორფოლოგიაში შესწავლილ მასალებთან ერთად (ერთდროულად).

1. შემასმენლის რაობა: ა) მარტივი შემასმენელი; ბ) შედგენილი შემასმენელი. ზმნების მართლწერასთან დაკავშირებული საკითხები: ა) პირის ნიშნების მართლწერა; ბ) ზმნისწინების მართლწერა; გ) ხმოვანმონაცვლე ზმნების მართლწერა; დ) ფუძემონაცვლე ზმნების მართლწერა; ე) შუალობითი კონტაქტის ფორმების მართლწერა. აქტის შედგენა—2 საათი.

2. ქვემდებარე. ქვემდებარის რაობა. მესამე სერიის წარმოებასთან დაკავშირებული მართლწერის საკითხები; აღწერილობითი ვნებითისა და შედგენილი შემასმენლის მართლწერა. კონსტრუქციათა შენაცვლება. კარნახით წერა—2 საათი.

3. ქვემდებარისა და შემასმენლის ურთიერთობა რიცხვის მიხედვით. ვ-ს ჩართვ. სა და დაკარგვის შემთხვევებთან დაკავშირებული მართლწერის საკითხები: ა) ა-ბოლოხმოვნიან სახელთაგან ნაწარმოები ზმნების მართლწერა; ბ) ვ ბოლოხმოვნიან სახელთაგან ნაწარმოები ზმნების მართლწერა; გ) ი ბოლოხმოვნიან სახელთაგან ნაწარმოები ზმნების მართლწერა; დ) უ ბოლოხმოვნიან სახელთაგან ნაწარმოები ზმნების მართლწერა—1 საათი.

4. ფუძისეული ვ; ვ—წოდებითი ბრუნვის ფორმაში. რამდენიმე ერთნაირი ბგერის თავმოყრა ზმნებსა და ნაზმნარ სახელებში: ა) ერთნაირი ხმოვნები; ბ) ერთნაირი თანხმოვნები. წერილის დაწერა კედლის გაზეთისათვის—1 საათი.

5. კარნახით წერა—1 საათი.

6. წინადადების მთავარი და მეორეხარისხოვანი წევრები. სახელთა ბრუნვები და მათი ნიშნები. ქვემდებარისა და შემასმენლის ურთიერთობა რიცხვის მიხედვით. თეზისების შედგენა—2 საათი.

7. მარტივი წინადადების სახეები. ზმნის სუბიექტური და ობიექტური პირისა და რიცხვის ნიშნები. ბრძანებითი კილო. სხვადასხვა სახის მარტივ წინადადებათა შედგენა; ბუნების მოვლენე-

ბის აღმნიშვნელი უქვემდებარო წინადადების შემასმენელი; მართელობის მდგომარეობის აღმნიშვნელ შემასმენელთა უქვემდებაროდ ხმარება—2 საათი.

8. შერწყმული წინადადება. ერთგვარი წევრები შერწყმულ წინადადებაში. ხმოვანმონაცვლე ხმები. სხვადასხვა სახის შერწყმულ წინადადებათა შედგენა, თხზულება თემაზე—„შთაბეჭდილებანი საწარმოს მუშაობის შესახებ“—2 საათი.

9. შესწავლილი მასალის განმეორება—განმტკიცება. ზმინი-ზედის მართლწერა. წერიითი მუშაობა—1 საათი.

10. წინადადების მეორეხარისხოვანი განკერძოებული წევრები: განკერძოებული განსაზღვრება. ზედსართავ სახელთა ბრუნება. ბრუნვის ნიშნები. მიძლეობის წარმოება და მასთან დაკავშირებული მართლწერის საკითხები. განკერძოებული განსაზღვრების შეთანხმება მსაზღვრელთან ბრუნვასა და რიცხვში. განკერძოებული განსაზღვრების სტილისტიკური ფუნქცია—1 საათი.

11. განკერძოებული გარემოება (ადგილის, დროისა და ვითარების გარემოებათა განკერძოება). ადგილის, დროისა და ვითარების ზმინიზედა. სხვადასხვა სახის ზმინიზედის შემცველ მარტივ გავრცობილ წინადადებათა შედგენა—1 საათი.

12. დანართი. სასვენი ნიშნები დანართთან. მსაზღვრელ-საზღვრულის ერთად ბრუნება. დანართის შემცველ წინადადებათა შედგენა—1 საათი.

13. მიმართვა. სასვენი ნიშნები მიმართვასთან. სახელთა ბრუნება. გავრცობილი და გაუვრცობელი მიმართვის შემცველ წინადადებათა შედგენა. მრავალფეროვანი მნიშვნელობის მქონე ჩართულ სიტყვათა და გამოთქმათა შემცველ წინადადებათა შედგენა. ილ. ჭავჭავაძის „ოთარაანთ კვრივის“ მოქმედი პირის ოთარაანთ კვრივის დახასიათება—2 საათი.

14. ჩართული. სასვენი ნიშნები ჩართულთან. ზმინა (შემასმენელი). მიგებითი ნაწილაკები. შორისდებული. სასვენი ნიშნები მიგებით ნაწილაკებთან და შორისდებულებთან, მიგებით ნაწილაკებიან და შორისდებულიან წინადადებათა შედგენა—1 საათი.

15. რთული თანწყობილი წინადადება. კავშირი. მაერთებელი, მაცალკევებელი და მაპირისპირებელი კავშირები. კავშირიან და უკავშირო რთულ თანწყობილ წინადადებათა შედგენა. თხზულება თემაზე—„ჩემი საყვარელი წიგნი“—2 საათი.

16. რთული ქვეწყობილი წინადადება. მაქვემდებარებელი კავშირები და წევრ-კავშირები (მამართებითი ნაცვალსახელები და მიმართებითი ზმნიხედები). რთულ ქვეწყობილ წინადადებათა შედგენა. ნაკლოვანებანი და შეცდომები ოთულ ქვეწყობილ წინადადებათა შედგენაში. რთული ქვეწყობილი წინადადების გადაკეთება მარტივად და მარტივისა რთულ ქვეწყობილად. რომ და თუ კავშირის ხმარება დამოკიდებულ წინადადებაში—3 საათი.

17. რთული სინტაქსური კონსტრუქციები. ნაწილაკდართულ ნაცვალსახელთა მართლწერა. რთული სინტაქსური კონსტრუქციის წინადადებათა აგება. აკ. წერეთლის „ბაში-აჩუკის“ გეგმის შედგენა—2 საათი.

18. უკავშირო რთული წინადადება. სიტყვათა შემოკლება. რთული სიტყვები. უკავშირო რთული წინადადების კავშირიანი რთული წინადადებით შეცვლა—2 საათი.

19. პირდაპირი და ირიბი ნათქვამი. სხვათა სიტყვის მართლწერა. რიტებითი სახელი და ნაცვალსახელი. პირდაპირი ნათქვამის ირიბად გადაკეთება და ირიბისა—პირდაპირად. შემოქმედებითი კარნახი (პირდაპირი-ნათქვამის შეცვლა ირიბით და ირიბი ნათქვამისა პირდაპირით)—2 საათი.

20. პუნქტუაციის წესების განმეორება-განმტკიცება. საკონტროლო კარნახი—2 საათი.

• 21. თხზულების დაწერა თემაზე „შრომა ღირსებისა და პატივის საქმეა“—1 საათი.

22. შემავამებელი მეცადინეობა—3 საათი.

XI კლასი: IX—X კლასებში უკვე განმეორებული თუ ახლად შესწავლილი მასალების განზოგადება და მისი სისტემატიზაცია.

1. სიტყვის შედგენილობა. სიტყვათა ცვლა გრამატიკული ფორმისა და ლექსიკური მნიშვნელობის მიხედვით. წინადადების მთავარი და მეორეხარისხოვანი წევრები. გრამატიკული ფორმისა და ლექსიკური მნიშვნელობის მიხედვით სიტყვათა ცვლის შემთხვევების დასახელება. თხზულება თემაზე—„რას გვასწავლის შ. რუსთაველის „ვეფხისტყაოსანი?“—1 საათი.

2. სახელთა ბრუნებასთან დაკავშირებული მართლწერის საკითხები. რთული თანწყობილი და რთული ქვეწყობილი წინადადების სინტაქსური ანალიზი. სიტყვებისა და წინადადებათა

შეცვლა სხვა სიტყვებით (სინონიმებით) და შინაარსით მაგრამ აგებულების მიხედვით სხვა წინადადებით —2 საათი.

3. რიცხვითი სახელების მართლწერა. სხვათა სიტყვის შემცველი წინადადების სინტაქსური ანალიზი. განსაზღვრება. განკერძოებული განსაზღვრება. ავტობიოგრაფიის შედგენა—1 საათი.

4. საკონტროლო კარნახი—1 საათი,

5. ნაცვალსახელების მართლწერა. ნაცვალსახელი განსაზღვრებად. III პირის ნაცვალსახელები მრავლობით რიცხვში; I და II პირის ნაცვალსახელის გრამატიკული რიცხვის საკითხი. თანდებულის სახელთა შემცველ მარტივ წინადადებათა შედგენა—1 საათი.

6. თანდებულის სახელების მართლწერა. სინტაქსური ანალიზი ისეთი წინადადებისა, რომელშიც გამოტოვებულია შემახმენელი. ნაწილაკდართული ნაცვალსახელების მართლწერა. არ, ვერ, აღარ, ველარ, ნუღარ ნაწილაკებს მნიშვნელობა—1 საათი.

7. კავშირი. რთული თანწყობილი და რთული ქვეწყობილი წინადადება. სასვენი ნიშნების ხპარება რთულ წინადადებაში. კავშირის ხპარება რთულ წინადადებაში. მოხსენებითი ბარათის შედგენა—2 საათი.

8. სიტყვათწარმოებასთან დაკავშირებული მართლწერის საკითხები. რთული სინტაქსური კონსტრუქციის წინადადების ანალიზი. თხზულება-მინიატურა თემაზე—„როგორ ვატარებ გამოსავლელ დღეს“—1 საათი.

9. სიტყვის შერწყმულად, დეფისით და გაყოფილად დაწერა (არსებითი სახელი, ზედსართავი, რიცხვითი, ნაცვალსახელი, ზმნიზედა, თანდებული და კავშირი). უკავშირო რთული წინადადების სინტაქსური ანალიზი. ნაწილაკდართული რიცხვითი სახელების ხპარება. თხზულება-მინიატურა თემაზე—„გვიანი შემოდგომის სურათი“—1 საათი.

10. საკონტროლო კარნახი—1 საათი.

11. ზმნების მართლწერასთან დაკავშირებული საკითხები—2 საათი.

12. მარტივი წინადადების სტრუქტურა. ქვედებარისა და შემასმენლის ურთიერთობა რიცხვის მიხედვით: ა) ქვედებარე მხოლოდით რიცხვში; ბ) სულიერი საგნის აღმნიშვნელი სახელი



ქვემდებარედ მრავლობითში და მისი შემასმენელი; ზ) უსულო საგანის აღმნიშვნელი სახელი ქვემდებარედ და მისი შექმნილი; დ) ქვემდებარე მეორე მრავლობითში და მისი შემასმენელი. თხზულება თემაზე — „სულხან-საბა ორბელიანის „სიბრძნე სიცრუისას“ პერსონაჟთა დახასიათება“ — 3 საათი.

13. ე-ს ჩართვისა და დაკარგვის შემთხვევებთან დაკავშირებული მართლწერის საკითხები. რთული თანწყობილი წინადადების სტრუქტურა. რთულ თანწყობილ წინადადებათა შედგენა. თხზულება თემაზე — „ცოდნის მნიშვნელობა დ. გურამიშვილის „სწავლა მოსწავლეთას“ მიხედვით“ — 2 საათი.

14. რთული ქვეწყობილი წინადადება და რთული სინტაქსური კონსტრუქციები. რთულ ქვეწყობილ წინადადებათა და რთულ სინტაქსურ კონსტრუქციათა შედგენა — 3 საათი.

15. მარცვალი. სიტყვების განკვეთისა და სტრიქონიდან სტრიქონზე სიტყვის გადატანის წესები — 1 საათი.

16. თხრობითი წინადადება; კითხვითი წინადადება; ბრძანებითი წინადადება; კითხვითი-ძახილის წინადადება; მარტივი, შერწყმული და რთული წინადადებები. სასვენი ნიშნები: ა) სასვენ ნიშანთა დანიშნულება; ბ) სასვენ ნიშანთა ჭმარების ძირითადი წესები. წერტილი, კითხვის ნიშანი, ძახილის ნიშანი; კითხვისა და ძახილის ნიშნები ერთად. რთული ქვეწყობილი წინადადების შენაცვლება მარტოვით; განკერძოებულგანსაზღვრებიანი წინადადების შენაცვლება მარტივითა და რთული წინადადებებით. თხზულება თემაზე — „ნ. ბარათაშვილის „მერანის“ იდეა“ — 3 საათი.

17. ტირე, დეჟასი, ფრჩხილები, ბრჭყალები; რამდენიმე სასვენი ნიშანი ერთად. ისეთ წინადადებათა მონახვა მხატვრული ნაწარმოებში ტექსტში, სადაც გამოყენებულია ამ სახის სასვენი ნიშნები. წერიითი მუშაობა თემაზე — „რაში ვხედავ ცხოვრების მიზანს“ — 1 საათი.

18. მუშაობა კითხვების მიხედვით წინადადებათა შედგენაზე. თხზულება თემაზე — „ვაჟა-ფშაველას „ბატრიონი“ (განხილვა)“ — 1 საათი.

19. სასვენი ნიშნები პირდაპირ ნათქვამთან. მუშაობა გაბმულ ტექსტში სხვადასხვა ტიპის წინადადებათა გამოყენებაზე. მოსწავლეთა მიერ მსგავს წინადადებათა დამოუკიდებლად შედგენა — 2 საათი.



20. წინადადებათა სახეები შინაარსის მიხედვით. სასვენი შანთა ხმარების წესების განმეორება-განმტკიცება. წერილობითი პასუხი კითხვაზე—„როგორ შეზდა გ. ტაბიძე 1917 წლის ოქტომბრის სოციალისტურ რევოლუციას?“—2 საათი.


- 21. საკონტროლო კარნახი და მისი ანალიზი—1 საათი.
- 22. დამწერლობის წარმოშობა—1 საათი.

ზემოთ მოცემული გეგმიდან IX—XI კლასების მოსწავლეებში გაბმული (მწყობრი) მეტყველების განვითარების მიზნით რეკომენდებული მუშაობის სახეთაგან თვითეულ მასწავლებელს შეუძლია აირჩიოს ის, რომელიც შეესაბამება კლასის მომზადების დონეს და მის საკუთარ გეგმას. „დაგეგმვაში“ გათვალისწინებულია მხოლოდ ის სანიმუშო, შემოქმედებითი სამუშაოები, რომელთა მიზანია მოსწავლეთა მომზადება ლიტერატურულ-კრიტიკული, შემადგამებელ-შემოქმედებითი თემების წერისათვის, ამ სახის სამუშაოთა ანალიზი შეიძლება ჩატარდეს მეტყველების განვითარების სპეციალურ გაკვეთილებზე (იხ. სალამოს (ცვლის) საშუალო ზოგადსაგანმანათლებლო სკოლების ქართული ენისა და ლიტერატურის პროგრამები, გვ: 69—71, 1970 წ.) გათვალისწინებულია აგრეთვე კარნახით წერა, ამ სახის წერითი სამუშაოს შესრულებისას დაშვებულ შეცდომათა ანალიზი მიზანშეწონილია ჩატარდეს ან ინდივიდუალური კონსულტაციის დროს ან, თუ შეცდომები ტიპობრივი ხასიათისაა, ქართული ენის გაკვეთილზე გასამეორებელ თემასთან ერთად. საკონტროლო კარნახის ჩატარების ვადებს განსაზღვრავს თვით მასწავლებელი საგნის სწავლებისათვის გათვალისწინებული დროის ბიუჯეტის ხარჯზე.

F3575

ამ საორიენტაციო გეგმით მუშაობისას გამოყენებულ უნდა იქნეს შემდეგი ლიტერატურა:

1. ა. შანიძე, ი. იმნაიშვილი, ლ. კვაჭაძე, ქართული ენის გრამატიკა, ნაწილი I.
2. ა. შანიძე, ი. იმნაიშვილი, ლ. კვაჭაძე, ქართული ენის გრამატიკა, ნაწილი II.
3. ვ. თოფურია, ივ. გიგინეიშვილი, ქართული ენის ლოკალიზებული ლექსიკონი, 1968 წ.





4. შ. ძიძიგური, ქართული ენის ლექსიკა, ფონეტიკა, მორფოლოგია (სახელმძღვანელო პედაგოგიურ სასწავლებელთათვის), 1956 წ.

5. გ. შალამბერიძე, ქართული მართლწერა, 1965 წ.

გარდა ამისა, მასწავლებელმა უნდა გამოიყენოს შემდეგი ლიტერატურა:

1. ვ. თოფურია, ქართული ენის სიწმინდის დაცვისათვის, 1954 წ.

2. ვ. თოფურია, ქართული ენა და მართლწერის ზოგიერთი საკითხი, 1965 წ.

3. შ. თალაკვაძე, ქართული ენის გრამატიკის სწავლების მეთოდთა, 1959 წ.

4. ვ. რამიშვილი, პუნქტუაციის სწავლების მეთოდთა, 1954 წ.

5. ვ. რამიშვილი, ქართული ენის სწავლების მეთოდთა, 1959 წ.

6. ვ. რამიშვილი, ქართული მართლწერა და მისი სწავლების საკითხები.

7. გ. შალამბერიძე, მეტყველების კულტურის საკითხები, 1964 წ., მისივე უტკბესი, და უმწარესი, 1969 წ.

8. ლ. კვაჭაძე, რთული წინადადების სწავლების მეთოდთა, 1969 წ.

9. ლ. კვაჭაძე, წინადადების წევრები ქართულში, 1954 წ.

10. ზ. ჭუმბურიძე, ქართული სალიტერატურო ენისა და სტილის საკითხები, 1958 წ.

11. მ. ჩინჩალაძე, ქართული ზმნიზედის სწავლება სკოლაში, 1955 წ.

12. მ. ჩინჩალაძე, წერითი მუშაობის სახეები V—VII კლასებში, 1953 წ.

13. რ. შამელაშვილი, განკერძოებული სიტყვები და გამოთქმები და მათი სწავლების მეთოდთა, 1958 წ.

14. გრ. გაბედავა, მართლწერის სწავლების საკითხები V—VI კლასებში, 1957 წ.

15. თ. სიმონიშვილი, ნაცვალსახელის სწავლება სკოლაში, 1958 წ.
16. ლ. წულაძე, შერწყმული წინადადების სწავლება სკოლაში, 1963 წ.
17. პ. ლორთქიფანიძე, ე. გელაშვილი, ს. დვალი, ქართული ენის გრამატიკის ალბომი, 1966 წ. და სხვ.

საღამოსა და დაუსწრებელი სკოლების სამმართველოს
უფროსის მოადგილე **ს. დვალი**

გ ა მ ტ კ ი ც ე ბ

საქართველოს სსრ განათლების
მინისტრი თ. ლაშქარაშვილი
1970 წლის 19 იანვარი

დ ე ბ უ ლ ე ბ ა

ზოგადსაგანმანათლებლო სკოლის მშობელთა
კომიტეტის შესახებ

I. მშობელთა კომიტეტის ამოცანები

1. მშობელთა კომიტეტები იქმნება ბავშვთა კომუნისტური აღზრდის განხორციელებისა და სწავლების საქმეში სკოლისათვის ხელშეწყობის მიზნით. მშობელთა კომიტეტების ამოცანაა:

— ოჯახსა და სკოლას შორის კავშირის განმტკიცება ბავშვებზე ოჯახისა და პედაგოგიური კოლექტივის ერთობლივი აღმზრდელი მიზნით. მშობელთა კომიტეტების ამოცანებია საზოგადოებრიობის აქტიური ჩაბმვა სკოლის ცხოვრებაში, კლასგარეშე და სკოლისგარეშე მუშაობის ორგანიზაციაში;

— დახმარება სკოლისადმი სავალდებულო რვაწლიანი და საყოველთაო საშუალო განათლების განხორციელებაში;

— მონაწილეობა მშობლებსა და მოსახლეობას შორის ფართო პედაგოგიური პროპაგანდის ორგანიზებაში;

— დახმარება სკოლის სამეურნეო და სასწავლო-მატერიალური ბაზის განმტკიცების საქმეში.

**II. მშობელთა კომიტეტების მუშაობის შინაარსი
და ორგანიზაცია**

1. სკოლის მშობელთა კომიტეტს ირჩევს მშობელთა საერთო კრება ან კონფერენცია ყოველი სასწავლო ან კალენდარული წლის დასაწყისში ერთი წლის ვადით, მის წევრთა რაოდენობა განი-



საზღვრება მშობელთა საერთო კრების (კონფერენციის) გადაწყვეტილებით სკოლის მუშაობის პირობების გათვალისწინებით.

2. მიმდინარე მუშაობის საწარმოებლად სკოლის მშობელთა კომიტეტი თავის შემადგენლობიდან ირჩევს:

— საშუალო და დიდ რვაწლიან სკოლებში პრეზიდიუმს, პრეზიდიუმის თავმჯდომარეს, მოადგილეს, მდივანსა და პრეზიდიუმის 3—5 წევრს;

— მცირე რვაწლიან და დაწყებით სკოლებში—თავმჯდომარეს, მის თანაშემწეს და მდივანს;

— ერთ და ორკომპლექტიან დაწყებით სკოლებში—თავმჯდომარეს.

3. კლასის მშობელთა კომიტეტს ირჩევს კლასის მშობელთა საერთო კრება თავმჯდომარისა და 3—4 წევრის შემადგენლობით.

4. სკოლის მშობელთა კომიტეტის წევრთა ხელმძღვანელობით ყველა სკოლაში შეიძლება შეიქმნას დროებითი ან მუდმივმოქმედი კომისიები სამუშაოთა სახეების მიხედვით (საყოველთაო სწავლების განხორციელების, პედაგოგიური პროპაგანდის, შრომითი აღზრდისა და მოსწავლეთა საზოგადოებრივ სასარგებლო შრომის ორგანიზაციის, კულტურულ მასობრივი მუშაობის, სამეურნეო, სპორტულ-გამაჯანსაღებელი და სხვ.).

5. მშობელთა კომიტეტი ეხმარება სკოლას:

— პედაგოგიური კოლექტივის კავშირის განმტკიცებაში მოსწავლეთა მშობლებსა და საზოგადოებრიობასთან;

— სავალდებულო რვაწლიანი სწავლების განხორციელებასა და საყოველთაო ათწლიან განათლებაზე გადასვლაში;

— სასკოლო ინტერნატების შექმნასა და მათში სათანადო საყოფაცხოვრებო პირობების უზრუნველყოფაში;

— მოსწავლეთა კვების ორგანიზაციაში;

— საყოველთაო-სავალდებულო სწავლების ფონდის ათვისებაში;

— შრომითი სწავლებისა და აღზრდისათვის საჭირო მატერიალური ბაზის შექმნაში;

— არასასწავლო დროს მოსწავლეებთან აღმზრდელობით მუშაობაში მშობელთა ჩაბმაში;

— მოსწავლეებთან პროფსაორიენტაციო მუშაობაში;

— კრებების, მოხსენებების, მშობლებისათვის ლექციების, გამოცდილების ურთიერთგაზიარების მიზნით საუბრების ორგანიზაციასა და ჩატარებაში;

— მოსწავლეთა მიერ „მოსწავლეთა ქცევის წესების“ შესრულებისადმი კონტროლის განხორციელებაში;

— სკოლის სამეურნეო და სასწავლო-მატერიალური ბაზის განმტკიცების, კეთილმოწყობისა და მასში ნორმალური სანიტარულ-ჰიგიენური პირობების ორგანიზაციაში;

— მოსწავლეებთან გამაჯანსაღებელი და კულტ-მასობრივი მუშაობის ჩატარებაში.

6. სკოლისა და კლასის მშობელთა კომიტეტები თავიანთ მუშაობაში ხელმძღვანელობენ ამ დებულებით, სკოლის დირექტორისა და პედაგოგიური საბჭოს რეკომენდაციებით, სკოლის სამუშაო გეგმითა და მშობელთა კრებების დადგენილებებით.

მშობელთა კომიტეტი ადგენს ნახევარწლიურ ან წლიურ სამუშაო გეგმას. მისი კონკრეტული შინაარსი განისაზღვრება მოცემული სკოლის წინაშე მდგარი ამოცანებისა და ადგილობრივი პირობების გათვალისწინებით.

7. სკოლის მშობელთა კომიტეტი, მისი პრეზიდიუმი და კლასის მშობელთა კომიტეტები უფლებამოსილი არიან მიიღონ გადაწყვეტილებანი, თუ კრებას ესწრება წევრთა 2/3.

8. განსაკუთრებით მნიშვნელოვან საკითხთა განხილვისა და გადაწყვეტისათვის მშობელთა კომიტეტი იწვევს მშობელთა კრებას ან კონფერენციას (კლასის—აოანაკლებ 4-ისა წელიწადში, საერთო-სასკოლოსი—არანაკლებ—2-ისა წელიწადში). კონფერენციის დელეგატთა რაოდენობას თითოეული კლასიდან განსაზღვრავს სკოლის მშობელთა კომიტეტი.

კლასის მშობელთა კრებაზე აუცილებელია კლასის ხელმძღვანელთა დასწრება, საერთო სასკოლოზე—სკოლის დირექტორის, კლასის ხელმძღვანელებისა და მოსწავლეების.

შენიშვნა: სოფლის საშუალო სკოლებში, რომლებიც დიდ მიკრორაიონს ემსახურებიან ტარდება მშობელთა კონფერენციები, რომელთა დელეგატებს არჩევენ მშობელთა კრებებზე მოსწავლეთა საცხოვრებელი ადგილების მიხედვით.

9. სკოლის მშობელთა კომიტეტი თავისი მუშაობის შესახებ მანგარიშს აბარებს საერთო-სასკოლო მშობელთა კრებას (კონფერენციას), საკლასო კომიტეტი კი—კლასის მშობელთა კრებას კომიტეტის ახალა შემადგენლობას არჩევნების დროს.

10. იმ შემთხვევაში, თუ სკოლის დირექტორი არ ეთანხმება მშობელთა კომიტეტის უმეტესობის აზრს, სადავო საკითხი გადაწყვეტა რაიონის (ქალაქის) სახალხო განათლების განყოფილებაში.

11. სახალხო განათლების განყოფილებები, სკოლების ინსპექტირების დროს, ეცნობიან მშობელთა კომიტეტის მუშაობას და ლეზულობენ ზომებს მისი მოქმედების ასამაღლებლად.

12. მშობელთა კომიტეტები აწარმოებენ თავიანთი სტდომებისა და მშობელთა კრებების ოქმებს, რომლებიც ინახება სკოლის საქმეებში.

III. მშობელთა კომიტეტის უფლებები

1. სკოლის მშობელთა კომიტეტს უფლება აქვს:

— დაამყაროს კავშირი საბჭოთა ორგანოებთან, საზოგადოებრივ ორგანიზაციებთან, სკოლის შეფ-საწარმოებთან, საბჭოთა მეურნეობებთან, კოლმეურნეობებთან და დაწესებულებებთან სკოლისათვის აღმზრდელით მუშაობასა და სასწავლო-მატერიალური ბაზის განმტკიცების საქმეში დახმარების გაწევის მიზნით, აგრეთვე ბავშვთა აღზრდისადმი მშობლების დამოკიდებულების საკითხებთან დაკავშირებით;

— შეიტანოს დირექტორისა და პედაგოგიური საბჭოს განსახილველად წინადადებები მოსწავლეებთან კლასგარეშე და სკოლისგარეშე მუშაობის, ორგანიზაციულ-სამეურნეო და მოსწავლეების მშობლებთან პედაგოგიური კოლექტივის მუშაობის გაუმჯობესების საკითხებზე. სკოლის დირექტორი და პედაგოგიური საბჭო ვალდებული არიან ყურადღებით განიხილონ მშობელთა კომიტეტის წინადადებები და მიღებული გადაწყვეტილებების შესახებ აცნობონ მას.

— მოისმინონ სკოლის დირექტორის მოხსენება სკოლის მუშაობის მდგომარეობასა და პერსპექტივებზე და განმარტებანი მშობელთათვის საინტერესო საკითხებზე.

— მოისმინონ კლასების მშობელთა კომიტეტების ანგარიშები და მიიღონ გადაწყვეტილებანი მათი მუშაობის გასაუმჯობესებლად;

— მოიწვიონ მშობელთა კრებები და კონფერენციები;

— მონაწილეობა მიიღონ საყოველთაო სწავლების ფონდის შექმნასა და ხელმოკლე მოსწავლეთათვის მატერიალური დახმარების აღმოჩენის შესახებ საკითხების გადაწყვეტაში;

— ჩააბან მშობლები მოსწავლეთა იდეურ-პოლიტიკური აღზრდის სხვადასხვა ფორმაში, ბავშვთა საზოგადოებრივ-სასარგებლო საქმიანობაში, პროფსაორიენტაციო, წრეობრივ და-სხვა სახის კლასგარეშე და სკოლისგარეშე მუშაობაში.

— მოაწყონ მშობელთა მორიგეობა სკოლასა და სკოლის მიკრორაიონში.

— კლასის მშობელთა კომიტეტს უფლება აქვს წინადადებებით წარსდგეს კლასის ხელმძღვანელის წინაშე მოსწავლეებთან კლასგარეშე მუშაობისა და კლასის მოსწავლეთა მშობლებთან მუშაობის გაუმჯობესების შესახებ, აგრეთვე მოისმინოს კლასის ხელმძღვანელის განმარტება მშობელთათვის საინტერესო საკითხებზე.

3. საერთო-სასკოლო მშობელთა კომიტეტის თავმჯდომარე ითვლება სკოლის პედაგოგიური საბჭოს წევრად.

У Т В Е Р Ж Д А Ю

Министр просвещения Грузинской ССР
Т. Лашкарашвили
18 января 1971 года

П О Л О Ж Е Н И Е

о родительском комитете общеобразовательной
ш к о л ы

I. Задачи родительских комитетов

1. Родительские комитеты создаются в целях содействия школе в осуществлении коммунистического воспитания и обучения детей. Задачами родительских комитетов являются:

— всемерное укрепление связи между семьей и школой в целях установления единства воспитательного влияния на детей педагогического коллектива и семьи;

— привлечение родительской общественности к активному участию в жизни школы и организации внеклассной и внешкольной работы;

— помощь школе в осуществлении обязательного восьмилетнего и всеобщего среднего образования;

— участие в организации широкой педагогической пропаганды среди родителей и населения;

— помощь в укреплении хозяйственной и учебно-материальной базы школы.

II. Организация и содержание работы родительских комитетов

2. Родительский комитет школы избирается общешкольным родительским собранием или конференцией в начале каждого



учебного или календарного года сроком на один год, количество его членов устанавливается решением общего собрания (конференции) родителей в зависимости от условий работы школы.

3. Для выполнения текущей работы родительский комитет школы выбирает из своего состава:

— в средних и крупных восьмилетних школах президиум в составе председателя президиума, заместителя, секретаря и 3—5 членов президиума;

— в небольших восьмилетних и начальных школах—председателя, его заместителя и секретаря;

— в одноклассных и двухклассных начальных школах—председателя.

4. Родительский комитет класса избирается общим собранием родителей класса в составе председателя и 2—4 членов.

5. Под руководством членов общешкольного родительского комитета в каждой школе могут создаваться постоянные или временные комиссии по отдельным разделам работы (по осуществлению всеобщего обучения, проведению педагогической пропаганды, по трудовому воспитанию и организации общественно-полезного труда школьников, по культурно-массовой работе, хозяйственной, спортивно-оздоровительной и др.). Состав комиссий и содержание их работы определяются родительским комитетом.

6. Родительский комитет организует помощь школе:

— в укреплении связи педагогического коллектива с родителями учащихся и общественностью;

— в осуществлении обязательного восьмилетнего обучения и перехода к всеобщему среднему образованию;

— в создании интернатов при школах и обеспечении в них надлежащих бытовых условий;

— в организации питания школьников;

— в создании и использовании фонда всеобуча;

— в создании необходимой материальной базы для трудового обучения и воспитания;

— в привлечении родителей к непосредственному участию в воспитательной работе с учащимися во внеучебное время;

— в работе по профориентации учащихся;

— в осуществлении контроля за выполнением школьниками „Правил для учащихся“;

— в организации и проведении собраний, докладов, лекций для родителей, бесед по обмену опытом семейного воспитания;

— в осуществлении мероприятий по укреплению хозяйственной и учебно-материальной базы школы, благоустройству и созданию в ней нормальных санитарно-гигиенических условий;

— проведении оздоровительной и культурно-массовой работы с учащимися в период каникул.

7. Родительский комитет школы и классные родительские комитеты руководствуются в своей работе данным Положением, рекомендациями директора школы и педагогического совета, планом работы школы и постановлениями родительских собраний.

Родительский комитет составляет план работы на полугодие или на год. Его конкретное содержание определяется с учетом местных условий и задач, стоящих перед данной школой.

8. Родительский комитет школы, его президиум и классные родительские комитеты вправе принимать свои решения при наличии на заседании не менее $\frac{2}{3}$ его членов.

9. Для обсуждения и решения наиболее важных вопросов родительский комитет школы созывает собрания или конференции родителей (классные—не реже 4 раз в год, общешкольные—не реже двух раз в год). Количество делегатов на конференцию от каждого класса устанавливается родительским комитетом школы.

На классных родительских собраниях обязательно присутствие классного руководителя, на общешкольных—директора школы, классных руководителей и учителей.

Примечание: В сельских средних школах с большим районом обслуживания проводятся родительские конференции, делегаты которых избираются на родительских собраниях по месту жительства учащихся.

10. Родительский комитет школы отчитывается о своей работе перед общешкольным родительским собранием (конференцией), а классный комитет—перед классным родительским собранием в день выборов нового состава комитета.

11. В случае несогласия директора школы с мнением большинства родительского комитета спорный вопрос разрешается районным (городским) отделом народного образования.

12. Отделы народного образования при инспектировании школы знакомятся с работой родительского комитета и принимают меры к повышению эффективности его деятельности.

13. Родительские комитеты ведут протоколы своих заседаний и родительских собраний, которые хранятся в делах школы.

III. Права родительских комитетов

14. Родительский комитет школы имеет право:

— устанавливать связь с советскими органами, общественными организациями, шефствующими над школой предприятиями, совхозами, колхозами и учреждениями по вопросам оказания помощи школе в проведении воспитательной работы, укрепления ее учебно-материальной базы, а также об отношении родителей к воспитанию детей;

— вносить на рассмотрение директора и педагогического совета школы предложения по внешкольной и внеклассной работе с учащимися, по организационно-хозяйственным вопросам, по улучшению работы педагогического коллектива с родителями учащихся. Директор школы и педагогический совет обязаны внимательно рассмотреть предложения родительского комитета и ставить его в известность о принятых решениях;

— заслушивать сообщения директора школы о состоянии и перспективах работы школы и его разъяснения по интересующим родителей вопросам;

— заслушивать отчеты классных родительских комитетов и принимать решения по улучшению их работы;

— созывать родительские собрания и конференции;

— принимать участие в создании фонда всеобуча и решении вопросов об оказании материальной помощи нуждающимся учащимся;

— привлекать родителей к участию в различных формах идейно-политического воспитания учащихся, общественно-полезной деятельности детей, работе по профориентации, руко-

водству кружками и другими видами внеклассной и внешкольной работы;

— организовывать дежурства родителей в школе и в микрорайоне школы.

15. Классные родительские комитеты имеют право вносить предложения классному руководителю по улучшению внеклассной работы с учащимися, по улучшению работы с родителями учащихся класса и заслушивать разъяснения классного руководителя по вопросам, интересующим родителей.

16. Председатель общешкольного родительского комитета является членом педагогического совета школы.



დადგენილება

განათლების, უმაღლესი სკოლისა და სამეცნიერო დაწესებულებების მუშაკთა პროფკავშირის საქართველოს რესპუბლიკური კომიტეტის პრეზიდიუმისა და საქართველოს სსრ განათლების სამინისტროს კოლეგიის.

1971 წელი, 19 იანვარი

1970-1971 სასწავლო წლისათვის სკოლების, სკოლა-ინტერნატებისა და საბავშვო დაწესებულებების საუკეთესოდ მომზადებისათვის გაწეული სოციალისტური შედეგების შეხახვბ

განათლების, უმაღლესი სკოლისა და სამეცნიერო დაწესებულებების მუშაკთა პროფკავშირის საქართველოს რესპუბლიკური კომიტეტის პრეზიდიუმი და საქართველოს სსრ განათლების სამინისტროს კოლეგია აღნიშნავენ, რომ 1970—1971 სასწავლო წლისათვის სკოლებისა და სხვა საბავშვო დაწესებულებების საუკეთესოდ მომზადებისათვის დროულად გაიშალა სოციალისტური შედეგობრება.

დიდი მუშაობა ჩატარდა საყოველთაო-სავალდებულო სწავლების კანონის ვატარებისა და საყოველთაო საშუალო განათლებაზე გადასვლისათვის, ვასულ სასწავლო წელთან შედარებით მიმდინარე სასწავლო წელს I—X კლასებში მოსწავლეთა კონტინენტი გაიზარდა 19755 მოსწავლით (2,9%), ვადაჭარბებით შესრულდა რეაკლასდამთავრებულთა მეცხრე კლასებში ჩარიცხვის გეგმა. გეგმით ვათვალისწინებული 64,714 მოსწავლის (83%) ნაცვლად მეცხრე კლასებში ჩარიცხულია 65,187 მოსწავლე (73,6%) სკოლებში დაბრუნებული იქნა 7—15 წლის ასაკის 1220 ბავშვი, რომლებიც წინა წლებში ჩამოშორდნენ სწავლას, მათ შორის V—VIII კლასებში—1150 ბავშვი.

რესპუბლიკის ქალაქებისა და რაიონების მშრომელებმა დიდად დახმარება გაუწიეს სკოლებს მატერიალური ბაზის განმტკიცებაში, კოლმეურნეობებმა, საბჭოთა მეურნეობებმა, წარმოება-დაწესებულებებმა თავიანთი სახსრებით რესპუბლიკაში ააგეს ახალი სასკოლო შენობები, არსებულ სასკოლო შენობებს მიუშენეს საკლასო ოთახები; შეავსეს კაბინეტ-ლაბორატორიები, სასკოლო ბიბლიოთეკები და სასწავლო სახელოსნოები საჭირო ხელსაწყო-იარაღებით, წიგნებით და სხვა თვალსაჩინო მასალებით.

ახალი სასწავლო წლისათვის კარგად მოემზადნენ ქ. ქუთაისი, ქ. ჭიათურა და ხელვაჩაურის, გორის, ქარელის, ლანჩხუთის, ზუგდიდის, ცხაკაიას რაიონები.

სასწავლო წლისათვის მზადების საქმეში სერიოზული მუშაობაა ჩატარებული ქ. თბილისში. საშუალო ორგანიზაციების მიერ ვალდებულებებით გათვალისწინებული 766,791 მანეთის ნაცვლად დახარჯულია 2,046 485 მანეთი. მიუხედავად ამისა, არ არის შესრულებული ძირითადი მაჩვენებლების დავალებანი: I—VIII კლასებში გეგმით უნდა სწავლობდეს 132,669 მოსწავლე, სწავლობს 132117 ე. ი. 552 მოსწავლით ნაკლები. ასევე არ არის შესრულებული პირველ კლასებში ბავშვთა ჩარიცხვის გეგმა, 17221 ბავშვის ნაცვლად პირველ კლასებში სწავლობს 14607 ბავშვი (2614 ბავშვით ნაკლები).

ამასთანავე აღსანიშნავია რაგი რაიონების განათლების განყოფილებათა არაღამაკმაყოფილებელი მუშაობა. განათლებას სამინისტროსა და პროფკავშირის რესპუბლიკურ კომიტეტს ახალი სასწავლო წლისათვის მზადების შედეგებზე მასალები არ გამოუგზავნეს ბოგდანოვკის, დმანისის, კასპის, თეთრიწყაროსა და წულუკიძის რაიონებმა, ხოლო მასალები დიდი დაგვიანებით გამოგზავნეს—ბოლნისის, წალენჯიხის, ტყიბულის, ახალციხის, მესტიის, მარნეულის რაიონებმა.

განათლების, უმაღლესი სკოლისა და სამეცნიერო დაწესებულებების მუშაკთა პროფკავშირის რესპუბლიკური კომიტეტის პრეზიდიუმში და საქართველოს სსრ განათლების სამინისტროს კოლეგია აღგენენ:

1. ბოგდანოვკის, დმანისის, კასპის, თეთრიწყაროს და წულუკიძის რაიონების განათლებას განყოფილებათა გამგეების საკითხი სოციალისტური შეჯიბრების მასალების წარმოუდგენლობისათვის განხილულ იქნეს საქართველოს სსრ განათლების სამინისტროს

ტროს კოლეგიის სხდომაზე „განათლების ოდგილობრივი ორგანიზაციების მიერ საქართველოს სსრ განათლების სამინისტროს დავალებების შესრულების მდგომარეობის შესახებ“ საკითხთან ერთად.

2. დავალოს განათლების სამინისტროს სკოლებს სამმართველოს (ამხ. აკ. ჩხიკვაძე) და განათლების, უმაღლესი სკოლისა და სამეცნიერო დაწესებულებების მუშაკთა პროფკავშირის საქართველოს რესპუბლიკური კომიტეტის საორგანიზაციო, საწარმო-მასობრივი მუშაობის განყოფილებას (ამხ. ს. დადიანი) პრეზიდუმისა და კოლეგიის მორიგი სხდომისათვის მოამზადონ დადგენილების პროექტი „სკოლებს, სკოლა-ინტერნატებისა და სხვა საბავშვო დაწესებულებების ახალი სასწავლო წლისათვის მზადების გაუმჯობესების ღონისძიებათა შესახებ“.

საქართველოს სსრ განათლების
მინისტრი თ. ლაშქარაშვილი

განათლების, უმაღლესი სკოლისა და სამეცნიერო დაწესებულებების მუშაკთა პროფკავშირის საქართველოს რესპუბლიკური კომიტეტის თავმჯდომარე დ. იოსელიანი

საქართველოს ალკც ცენტრალური კომიტეტის სამდივნოსა და საქართველოს სსრ განათლების სამინისტროს კოლეგიის 1971 წლის 19 იანვრის

დადგენილება

საბჭოთა კავშირის კომუნისტური პარტიის XXIV ყრილობისადმი მიძღვნილ მოხწავლეთა თხზულების — „პარტია—ჩვენი ეპოქის გონება, ღირსება და სინდისი“,—IV საკავშირო დათვალიერებაში საქართველოს სსრ მოხწავლეთა მონაწილეობის შესახებ

უკანასკნელ წლებში ჩვენს ქვეყანაში ჩატარდა მოხწავლეთა თხზულების სამი საკავშირო დათვალიერება, რომლებიც უმნიშვნელოვანეს მოვლენებს მიეძღვნა.

განსაკუთრებულ წარმატებას მიაღწიეს ჩვენმა მოხწავლეებმა ვ. ი. ლენინის დაბადებიდან 100 წლისთავისადმი მიძღვნილ მოხწავლეთა თხზულების — „რევოლუციას აქვს დასაწყისი—რევოლუციას არა აქვს დასასრული“ III საკავშირო დათვალიერებაში, სადაც წარდგენილი 10 თხზულებიდან საკავშირო ყიუტრის მოწონება დაიმსახურა 8 თხზულებამ.

მომდინარე 1970—71 სასწავლო წელს მოხწავლეთა შორის იდეურ-აღმზრდელობითი მუშაობის გაუმჯობესების, მათში საბჭოთა კავშირის კომუნისტური პარტიისა და საბჭოთა სახელმწიფოს ისტორიის შესწავლისადმი მისწრაფების აღზრდისა და შემეცნებითი და საზოგადოებრივი აქტივობის განვითარების მიზნით საკ. ალკც ცენტრალური კომიტეტი და სსრკ განათლების სამინისტრო ატარებენ საბჭოთა კავშირის კომუნისტური პარტიის XXIV ყრილობისადმი მიძღვნილ მოხწავლეთა თხზულებების IV საკავშირო დათვალიერებას. თხზულების თემაა „პარტია—ჩვენი ეპოქის გონება, ღირსება და სინდისი“.

საქართველოს ალკც ცენტრალური კომიტეტის სამდივნო და
სსრ განათლების სამინისტროს კოლეგია ადგენენ:



1. კომკავშირის კომიტეტებმა და სახალხო განათლების განყოფილებებმა აქტიური მუშაობა გაშალონ დათვალიერების მომზადების, ჩატარებისა და შედეგების შესაჯამებლად: განმარტონ დათვალიერების მიზნები და ამოცანები. ამ სამუშაოში მაქსიმალურად ჩააბან კომკავშირული აქტივი, მწერლები, ჟურნალისტები, საზოგადოებრიობის წარმომადგენლები, ჟურის წევრები.

2 რესპუბლიკურმა ჟურნალმა 1971 წლის 15 მარტამდე საკავშირო ჟურნის წარუდგინოს დათვალიერების ჩატარების ანგარიში და ხუთი საუკეთესო ნამუშევარი, რეკომენდაცია გაუწიოს რესპუბლიკის ჟურნალ-გაზეთებში გამოსაქვეყნებლად, რადიოთი და ტელევიზიით გადასაცემად. საუკეთესო თხზულებათა ავტორები დააჯილდოს საქართველოს ალკც ცენტრალური კომიტეტის და საქართველოს სსრ განათლების სამინისტროს ქების სიგელებით.

3. რესპუბლიკურმა გაზეთებმა: „სახალხო განათლება“, „ახალგაზრდა კომუნისტი“, „მოლოდიოე გრუზიი“, ჟურნალებმა: „პიონერი“, „სკოლა და ცხოვრება“ და რადიოსა და ტელევიზიის საბავშვო გადაცემათა რედაქციებმა რეგულარული პროპაგანდა გაუწიონ დათვალიერების მიმდინარეობას, სკკპ XXIV ყრილობისათვის გამოაქვეყნონ მოსწავლეთა საუკეთესო თხზულებები.

დამტკიცდეს დათვალიერების ჩატარების რესპუბლიკური ჟურნის შემადგენლობა და დებულება (თან ერთვის).

საქართველოს ალკც ცენტრალური
კომიტეტის მდივანი

გ. ბატიაშვილი

საქართველოს სსრ განათლების
მინისტრი თ. ლაშქარაშვილი

და ნ ა რ თ ი

დ ე ბ უ ლ ე ბ ა

საბჭოთა კავშირის კომუნისტური პარტიის XXIV ყრილობისადმი მიძღვნილი მოსწავლეთა თხზულების— „პარტია—ჩვენი ეპოქის გონება, ღირსება და სინდისი“—IV საკავშირო დათვალიერებაში საქართველოს სსრ მოსწავლეთა მონაწილეობის შესახებ

მოსწავლეთა თხზულებების მეოთხე საკავშირო დათვალიერება ეძღვნება საბჭოთა კავშირის კომუნისტური პარტიის XXIV ყრილობას, მას ატარებენ საქალაქ ცენტრალური კომიტეტი და სსრკ განათლების სამინისტრო 1971 წლის 1 იანვრიდან 10 თებერვლამდე. დათვალიერებაში მონაწილეობენ ზოგადსაგანმანათლებლო რვაწლიანი და საშუალო სკოლების, მუშა და სოფლის ახალგაზრდობის სკოლების, ბავშვთა სახლებისა და სკოლა-ინტერნატების VIII—X კლ. მოსწავლეები, კლასგარეშე დაწესებულებებთან არსებულ ლიტერატურულ გაერთიანებათა წევრები.

დათვალიერების მიზანია მოსწავლეთა შორის იდეურ-აღმზრდელობითი მუშაობის გაუმჯობესება, მათში საბჭოთა კავშირის კომუნისტური პარტიისა და საბჭოთა სახელმწიფოს ისტორიის შესწავლისადმი მისწრაფების აღზრდა, საბჭოთა ადამიანების თავდადებული შრომის მაგალითებზე შემეცნებითი და საზოგადოებრივი აქტივობის განვითარება.

ალკა რესპუბლიკური, საოლქო, საქალაქო და რაიონული კომიტეტები სახალხო განათლების ორგანოებთან და სკოლების პედაგოგიურ კოლექტივებთან ერთად ეწევიან თხზულებათა დათვალიერების ფართო პროპაგანდას; მისი ჩატარების პირობებსა და მეთოდიკას აცნობენ კომკავშირულ აქტივს, სკოლების დირექტორებსა და მასწავლებლებს.

დათვალიერების ხელმძღვანელობისა და მეთოდური დახმარების აღმოჩენისათვის სკოლებში, რაიონებში, ქალაქებში, ოლქებში და რესპუბლიკებში იქმნება ჟიური, რომლის შემადგენლობაში შედიან სკოლების კომკავშირული კომიტეტების წევრები, წინა დათვალიერებაში გამარჯვებულნი, მასწავლებლები, კომკავშირელები და შევი წარმოების, კოლმეურნეობის, საბჭოთა მეურნეობის დაწესებულების მოწინავეები, კომკავშირული მუშაკები და აქტივისტები, სახალხო განათლების განყოფილებათა მუშაკები, სკკპ წევრები, ომისა და შრომის ვეტერანები, აგრეთვე პოეტები, მწერლები, ჟურნალისტები და კომპოზიტორები.

კომკავშირის კომიტეტები და თხზულებათა საკავშირო დათვალიერების ჟიური განსაზღვრავენ საუკეთესო ნამუშევრებს და სამ საუკეთესო თხზულებას (თითოს—მერვე, მეცხრე და მეთექვსმეტიდან) 1971 წლის 10 თებერვლისათვის გადაუკზავნიან რაიონულ, საქალაქო ჟიურს.

თხზულებათა საკავშირო დათვალიერების საქალაქო და რაიონული ჟიურის წევრები 1971 წლის მარტისათვის გადაუგზავნიან საუკეთესო ნამუშევრებს რესპუბლიკურ ჟიურს.

თხზულებათა საკავშირო დათვალიერების რესპუბლიკური ჟიური აგზავნის ანგარიშს დათვალიერების ჩატარების შესახებ და 5 საუკეთესო თხზულებას (ერთი—VIII კლასის მოსწავლის, ორი—IX და X კლასებისა) არაუგვიანეს 15 მარტისა, მისამართით: ქ. მოსკოვი, საკ. ალკკ ცკ, მოსწავლე ახალგაზრდობის განყოფილება, მოსწავლეთა თხზულებების საკავშირო დათვალიერების ჟიური (თხზულებები, დაწერილი ნაციონალურ ენაზე, უნდა ითარგმნოს რუსულად).

რესპუბლიკური ჟიური საუკეთესო ნამუშევრებს რეკომენდაციას უწევს რესპუბლიკურ პერიოდულ ბეჭდვით ორგანოებში, გამომცემლობა „ნაკადულსა“ და „განათლებაში“ გამოსაქვეყნებლად, წაახალისებს საუკეთესო თხზულებათა ავტორებს.

და ნ ა რ თ ი

საბჭოთა კავშირის კომუნისტური პარტიის XXIV ყრ-
ლობისადმი მიძღვნილ მოსწავლეთა თხზულებების— „პარ-
ტია—ჩვენი ეპოქის გონება, ღირსება და სინდისი“—
საკავშირო დაოვალიერების რესპუბლიკური ჟიურის
შემაღვენლობა

1. აბაშიძე გ.—მწერალი, ჟიურის თავმჯდომარე
2. ლომიძე ზ.—საქართველოს ალკა ცენტრალური კომიტე-
ტის მოსწავლე-ახალგაზრდობის განყოფილების გამგის მოადგილე
3. გასპარაშვილი ვ.—განათლების სამინისტროს მეთოდისტი
4. ჩარკვიანი ჯ.—პოეტი, ჟურნალ „ცისკარის“ რედაქტორი
5. პაიჭაძე ფ.—ბ. ძნელაძის სახ. პიონერთა და მოსწავლეთა
რესპუბლიკური სასახლის წიგნზე მუშაობის კაბინეტის გამგე
6. ცერცვაძე ი.—გაზეთ „ნორჩი ლენინელის“ რედაქტორი
7. შელია ბ.—ჟურნალ „პიონერის“ რედაქტორი
8. ბეთანიშვილი ნ.—საქართველოს რადიოკომიტეტის საბავ-
შვო და ახალგაზრდულ გადაცემათა რედაქტორი
9. გამყრელიძე ნ.—საქართველოს ტელევიზიის საბავშვო გა-
დაცემათა რედაქტორი
10. ბაჩილავა მ.—საქართველოს ალკა ცენტრალური კომი-
ტეტის კომორგი
11. კაჭარავა ვ.—საქართველოს კომკავშირული მოძრაობის
ვეტერანბ
12. ოგანეზაშვილი—ლ. გაზეთ „მოლოდიოჟ გრუზიის“ მოს-
წავლე-ახალგაზრდობის განყოფილების გამგე
13. მკედლიძე ა.—მასწავლებელთა დახელოვნების ინსტიტუ-
ტის დირექტორის მოადგილე
14. ქურციკიძე ე.—განათლების სამინისტროს ინსპექტორი

15. ალავერდაშვილი გ.—გაზეთ „სახალხო განათლების“ განყოფილების გამგე
16. შახსუვარიანი ს.—განათლების სამინისტროს ინსპექტორი
17. ბირიუკოვა ლ.—თბილისის 41-ე საშუალო სკოლის პედაგოგი
18. ამზოვეი ს.—განათლების სამინისტროს ინსპექტორი
19. ოზიუვა მ.—ქ. თბილისის 136-ე ექსპერიმენტული სკოლის პედაგოგი
20. თომაძე მ.—ბავშვთა მხატვრული აღზრდის რესპუბლიკური სახლის განყოფილების გამგე
21. გაჯილაროვი ქ.—განათლების სამინისტროს ინსპექტორი
22. რიზაევა ა.—ქ. თბილისის 73-ე საშუალო სკოლის პედაგოგი
23. დვალი ს.—განათლების სამინისტროს ინსპექტორი
24. კეკელიძე მ.—ჟურნალ „სკოლა და ცხოვრების“ განყოფილების გამგე.
25. ბურშტეინი ი.—ქ. თბილისის განათლების განყოფილების მეთოდისტი.

საქართველოს სსრ განათლების სამინისტროს 1971 წ.
22 იანვრის ბრძანება № 23

დამხმარე სკოლა-ინტერნატების ახალი პროგრამების
შესახებ

• სსრ კავშირის განათლების სამინისტროს 1970 წლის 13 ნოემბრის № 30/2 კოლეგიის გადაწყვეტილების შესასრულებლად,

ვ ბ რ ძ ა ნ ე ბ

1. სკოლა ინტერნატებისა და საბავშვო სახლების სამმართველომ (ამხ. რ. კანდელაკმა) რესპუბლიკურ მეთოდკაბინეტთან (ამხ. მ. ყოლბაიასთან) ერთად:

ა) 1971 წლის I-ელ ივლისამდე უზრუნველყოს სსრ კავშირის განათლების სამინისტროს კოლეგიის მიერ მოწონებული პროგრამების (მათემატიკაში (I—VIII კლ.), ბუნებისმცოდნეობაში (V—VIII კლ.), ისტორიაში (VI—VIII კლ.), გეოგრაფიაში (V—VIII კლ.) სახვით ხელოვნებაში (I—VI კლ.), ფიზკულტურაში (I—VIII კლ.), სიმღერასა და მუსიკაში, (I—VI კლ.) ხელგარჯილობაში (I—III კლ.) თარგმნა, დაბეჭდვა, დაგზავნა;

ბ) 1971 წლის I-ელ აგვისტომდე შეადგინოს, წარმოადგინოს კოლეგიაზე განსახილველად, დაბეჭდოს და ადგილებზე დაგზავნოს ორიგინალური პროგრამები ქართულ ენასა და ლიტერატურაში (I—VIII კლ.), რუსულ ენაში (IV—VIII კლ.) ქართულ ენაში (IV—VIII კლ.).

2. დამხმარე სკოლა-ინტერნატების ახალ პროგრამებზე გადასვლის წარმოდგენილი ტიპობრივი გრაფიკი დამტკიცდეს (იხ. დანართი № 1).

3. სკოლა-ინტერნატების, საბავშვო სახლებისა და სპეციალური სკოლების რესპუბლიკურმა მეთოდურმა კაბინეტმა (ამხ.

მ. ყოლბაიამ) შეადგინოს სპეციალური სკოლა-ინტერნატების
ორიგინალური და რუსულიდან სათარგმნელი სახელმძღვანელო-
ების გამოცემის გეგმა და 1971 წლის 20 აპრილამდე წარმოადგინოს
კოლეგიაზე დასამტკიცებლად.

საფუძველი: საქართველოს სსრ განათლების სამინისტროს
კოლეგიის 1971 წლის 19 იანვრის დადგენილება.

საქართველოს სსრ განათლების
მინისტრი თ. ლაშქარაშვილი

დ ა ნ ა რ თ ი № 1

დამხმარე სკოლა-ინტერნატების ახალ პროგრამებზე
გადახვლის ტიპობრივი გრაფიკი

№	საგნების დასახელება	1971/72 სასწ. წელი	1972/73 სასწ. წელი	1973/74 სასწ. წელი	1974/75 სასწ. წელი	1975/76 სასწ. წელი
1	მშობლიური ენა და ლიტერატურა	I—IV	V—VIII	—	—	—
2	მათემატიკა	I—IV	V—VIII	—	—	—
3	ბუნებისმცოდნეობა	—	V	VI	VII	VIII
4	გეოგრაფია	—	V	VI	VII	VIII
5	ისტორია	—	—	VI	VII	VIII
6	სახვითი ხელოვნება	I—IV	V—VIII	—	—	—
7	სიმღერა და მუსიკა	I—IV	V—VIII	—	—	—

შენიშვნა: ახალ პროგრამებზე გადასვლასთან დაკავშირებით დროებით გამოიყენება მოქმედი სახელმძღვანელოები. მითითებანი მუშაობისას ახალი პროგრამებით სარგებლობის შესახებ დაშვებული იქნება 1971/72 სასწავლო წლის დაწყებისათვის სკოლა-ინტერნატებისა და საბავშვო სახლების სამმართველოს მიერ.

საქართველოს სსრ განათლების სამინისტროს 1971 წ.
25 იანვრის ბრძანება № 29

სიღნაღის დამხმარე და ყრუ ბავშვთა სკოლა-ინტერ-
ნატებში სსრ კავშირის განათლების სამინისტროს 1970
წლის 6 თებერვლის დადგენილებისა და საქართველოს
სსრ განათლების სამინისტროს 1970 წლის 8 მაისის
ბრძანების შესრულების მიმდინარეობის შესახებ

სიღნაღის ყრუ ბავშვთა და დამხმარე სკოლა-ინტერნატების მუშაობის შემოწმებამ ცხადყო, რომ ერთგვარი წარმატებების მიუხედავად, მათ საქმიანობაში შეინიშნება არსებითი ხასიათის ნაკლოვანებანი.

ყრუ ბავშვთა სკოლა-ინტერნატს (დირექტორი პ. ნადირაძე) პედაგოგიური საბჭოს სხდომაზე არ განუხილავს და არ უმსჯელია სსრ კავშირის განათლების სამინისტროს კოლეგიის 1970 წლის 6 თებერვლის დადგენილების „საქართველოს სსრ-ში გონებრივ და ფიზიკურ განვითარებაში დეფექტების მქონე ბავშვთა სკოლების მუშაობის მდგომარეობის შესახებ“ და ამავე საკითხზე საქართველოს სსრ განათლების სამინისტროს 1970 წლის 8 მაისის ბრძანების ირგვლივ; ხოლო დამხმარე სკოლა-ინტერნატში (დირექტორი ნ. ნადირაძე) საკითხი განუხილავთ, მაგრამ ღონისძიებები არ დაუსახავთ. სკოლა-ინტერნატის დირექტორები არ სწავლობენ ანომალურ ბავშვებთან მუშაობაში არსებულ ნაკლოვანებებს, ცალკეული დისციპლინების სწავლების მდგომარეობას, არ ატარებენ ქმედით ღონისძიებებს მდგომარეობის გასაუმჯობესებლად.

შემოწმებულ სკოლა-ინტერნატებში არ იცავენ სსრ კავშირის განათლების სამინისტროს 1969 წლის 11 თებერვლის ინსტრუქციას „გონებრივ და ფიზიკურ განვითარებაში დეფექტების მქონე ბავშვთა სკოლებში მიღების შესახებ“, რის გამო ყრუ ბავშვთა სკოლა-ინტერნატში ჩარიცხულია 8 სმენადაქვეითებული ბავშვი



ხოლო დამხმარე სკოლა-ინტერნატში 1 იმბეცილი, 1 სმენადაქვეითებული და 3 ნორმალური განვითარების ბავშვი.

დასახელებულ სკოლა ინტერნატებში არადამაკმაყოფილებლად და დაყენებული შრომათი სწავლება და აღზრდა, ცხოვრებისათვის, პრაქტიკული საქმიანობისათვის აღსაზრდელთა მომზადება. სასწავლო სახელოსნოებისათვის არაა გამოყოფილი შესაფერი ოთახები, ისინი არ არიან აღჭურვილი საჭირო რაოდენობის ხელსაწყო-იარაღებითა და დანადგარებით. არ მარაგდებიან სამუშაო მასალებით. სახელოსნოებში არაა დიდაქტიკური მასალა. აღსაზრდელთა შრომა ატარებს წვრილ ხელოსნურ ხასიათს და არ ხდება პროგრამით გათვალისწინებული მასალის საფუძვლიანი ათვისება. ჰიგიენური პირობების დაცვის მიზნით არაა შემოღებული აღსაზრდელთათვის სპეცტანსაცმელი და არ ექცევა ყურადღება აღსაზრდელთა შორის უსაფრთხოების წესების დანერგვასა და დაცვას.

შრომის მასწავლებლებად აღნიშნულ სკოლა-ინტერნატებში გამოყენებულია დაბალი კვალიფიკაციის მქონე მასწავლებლები. სიღნაღის დამხმარე სკოლა-ინტერნატში შრომის მასწავლებლად მუშაობს ამავე ინტერნატის მძღოლი მ. სიყმაშვილი, ხოლო ჭრაკერვის სახელოსნოში ბიბლიოთეკარი ნ. ბოლაშვილი.

სიღნაღის რაიონის სპეციალურ სკოლა-ინტერნატებში არ მუშაობს არცერთი სპეციალისტი დეფექტოლოგი.

ვ ბ რ ძ ა ნ ე ბ

1. სიღნაღის დამხმარე და ყრუ ბავშვთა სკოლა-ინტერნატების დირექტორებმა (ამბ. ამბ. ნ. ნადირაძე, პ. ნადირაძე):

ა) პედაგოგიური საბჭოების სხდომაზე განიხილონ, დასაზონ და განახორციელონ ღონისძიებები სსრ კავშირის განათლების სამინისტროს კოლეგიის 1970 წლის 6 თებერვლის დადგენილების „საქართველოს სსრ-ში გონებრივ და ფიზიკურ განვითარებაში დეფექტების მქონე ბავშვთა სკოლების მუშაობის შესახებ“ და ამავე საკითხზე საქართველოს სსრ განათლების სამინისტროს 1970 წლის 8 მაისის № 254 ბრძანების ცხოვრებაში გასატარებლად;

ბ) დაუყოვნებლივ გადაიყვანონ არასწორად ჩარიცხული ზოგიერთი აღსაზრდელი შესაბამის სკოლა-ინტერნატში და მომავალში აღსაზრდელთა ჩარიცხვა აწარმოონ მხოლოდ მედიკურ-პედაგოგიური კომისიების გადაწყვეტილებისა და განათლების სამინისტროს განკარგულების საფუძველზე;

გ) სერიოზული ყურადღება დაუთმონ აღსაზრდელთა შრომითი სწავლებისა და სახელოსნოების კეთილმოწყობას. არ დაუშვან აღსაზრდელები სახელოსნოებში სპეცტანსაცმლის გარეშე.

2. ვინაიდან 1971—1972 სასწავლო წლისათვის სიღნაღის ყრუ ბავშვთა სკოლა-ინტერნატში რჩება მხოლოდ 20—25 აღსაზრდელი, დაევალოს სიღნაღის რაიონის განათლების განყოფილების გამგეს ე. დალაქიშვილს შეისწავლოს საკითხი ამ სკოლა-ინტერნატის არსებობის მიზანშეწონილობის შესახებ და რაიონის ხელმძღვანელ ორგანოებთან შეთანხმების შემდეგ მიმდინარე წლის 25 მაისამდე წარმოადგინოს სათანადო წინადადება.

3. სკოლა-ინტერნატებისა და საბავშვო სახლების სამმართველომ (ამზ. რ. კანდელაკმა) კონტროლი დააწესოს ამ ბრძანების შესრულებაზე.

საფუძველი: საქართველოს სსრ განათლების სამინისტროს კოლეგიის 1971 წლის 19 იანვრის დადგენილება.

საქართველოს სსრ განათლების
მინისტრი თ. ლაშქარაშვილი

**საქართველოს სსრ განათლების სამინისტროს 1971 წ
26 იანვრის ბრძანება № 31**

**ხაშურის რაიონის სოფელ ალის საშუალო სკოლაში
მომხდარი ხანძრის შესახებ**

აღვნიშნავ, რომ 1970 წლის 28 დეკემბერს ღამით, ხანძარი გაუჩნდა ხაშურის რაიონის სოფელ ალის საშუალო სკოლას (დირექტორი ა. ნოზაძე), რის შედეგადაც მთლიანად დაიწვა სკოლის ხის შენობა და ნაწილობრივ ორსართულიანი შენობის სახურავი, სასკოლო ინვენტარისა და დოკუმენტაციის დიდი ნაწილი. ხანძრის შედეგად გამოწვეული ზარალის ღირებულება წინასწარი მონაცემებით შეადგენს 5347 მანეთს.

ვ ბ რ ძ ა ნ ე ბ:

1. ხაშურის რაიონის განათლების განყოფილებამ.

ა) ადგილობრივი ხელმძღვანელი ორგანოების დახმარებით გაატაროს ქმედითი ღონისძიებანი სოფ ალის საშუალო სკოლისათვის შენობის გამონახვისა და ნორმალური მუშაობის უზრუნველსაყოფად;

ბ) 1971 წლის 30 იანვრამდე წარმოადგინოს საქართველოს სსრ განათლების სამინისტროში განაცხადი სკოლისათვის აღცილებელი ინვენტარისა და სასწავლო ხელსაწყოების გამოყოფის შესახებ.

2. მიღებული იქნეს ცნობად, რომ სოფ. ალის საშუალო სკოლის ხანძრის გამომწვევ მიზეზებს იკვლევს ხაშურის რაიონის საგამომძიებლო ჯგუფი.

3. ეთხოვოს ხაშურის რაიონის მშრომელთა დებუტატების საბჭოს აღმასკომს საგამომძიებლო ჯგუფის ნარკვევი მასალა

უახლოეს დროში განიხილოს აღმასკომის ხდომაზე და შედეგები
აცნობოს საქართველოს სსრ განათლების სამინისტროს.



საფუძველი: საქართველოს სსრ განათლების სამინისტროს
კოლეგიის 1970 წლის 19 იანვრის დადგენი-
ლება.

საქართველოს სსრ განათლების
მინისტრი თ. ლაშქარაშვილი

საქართველოს სსრ განათლების სამინისტროს 1971 წ.
26 იანვრის ბრძანება № 32

რესპუბლიკის სკოლა-ინტერნატების VI—VII კლასებში
ახალი პროგრამებით ფიზიკის სწავლების მდგომარეო-
ბის შესახებ

როგორც საკითხის შესწავლით და ადგილებიდან წარმოდგენილი მასალებით დასტურდება, ახალ მოთხოვნილებათა შესაბამისად ფიზიკის სწავლების გაუმჯობესებისათვის რესპუბლიკის მთელ რიგ სკოლა-ინტერნატებში მნიშვნელოვანი მუშაობაა ჩატარებული: საგრძნობლად გაიზარდა ფიზიკის კაბინეტების აღჭურვილობა ტექნიკური საშუალებებით, სისტემატურად სწარმოებს მათი შევსება ახალი კონსტრუქციის ხელსაწყო-იარაღებით.

მომდინარე სასწავლო წელს რეკონსტრუქცია გაუკეთდა ქ. თბილისის ფიზიკა-მათემატიკისა და ქ. ბათუმის სკოლა-ინტერნატების ფიზიკის კაბინეტებს. ბათუმის № 2 სკოლა-ინტერნატში (დირექტორი ი. დიასამიძე) ფიზიკის კაბინეტისათვის გამოიყო სამი ოთახი, დამონტაჟდა ლაბორატორიული სამუშაოებისა და პრაქტიკუმების ჩასატარებელი ოთახი, ავტომატიზირებულია კინოფილმებისა და დიაპროექციების ჩვენება, ფანჯრების დაბნელება და სხვ. ქ. თბილისის ფიზიკა-მათემატიკის სკოლა-ინტერნატში (დირექტორი ვ. მელაძე) დაზიანებულ ხელსაწყოთა შესაკეთებლად და თვითნაკეთი ხელსაწყოების დასამზადებლად მოეწყო სპეციალური სახელოსნო.

მასწავლებელთა ერთი ნაწილი მეთოდურად მაღალ დონეზე გადასცემს ახალ მასალას. ცდების ჩატარებითა და შესაბამისი მაგალითების მოყვანით მოსწავლეთათვის გასაგებს ხდის ფიზიკურ მოვლენებს, ცნებებსა და კანონებს. კასპის სკოლა-ინტერნატის ფიზიკის მასწავლებელმა დ. თეთვაძემ VII კლასში „სითბური ძრავების“ სწავლებისას გამოიყენა მოქმედი მოდელები, სქემები, კინო-

ფილმი, მოაწყო ექსკურსია თბომავალზე, მოსწავლეებს აგაცნო ქრავის აგებულება და მოქმედება, უამბო ქართველი რაციონალიზატორის მიღწევებზე ლოკომოტივის გაუმჯობესების საქმეში.

ასევე კარგად აქვთ დაყენებული საგნის სწავლება მასწ. თ. ჩალაძეს და ო. დელიბალტოვს (კაჭრეთისა და კოჯრის სკოლა-ინტერნატები).

მაგრამ რიგ სკოლა-ინტერნატებში ჯერ კიდევ არ არის შექმნილი ფიზიკის სწავლებისათვის სათანადო სასწავლო ბაზა. არასაკმაო ფართობია გამოყოფილი კაბინეტ-ლაბორატორიებისათვის. ბევრი კაბინეტი მინიმალურად არ არის შევსებული ხელსაწყო-იარაღებითა და მასალებით. ზოგან ინვენტარი არასაკმარისია.

გლდანის პირველ, მეორე, ბოგდანოვკის სკოლა ინტერნატებში 10—12 კვადრატული მეტრის ფართობია გამოყოფილი კაბინეტ-ლაბორატორიებისათვის. თბილისის 8-წლიან სკოლა-ინტერნატში სათანადოდ არ არის დაცული ხელსაწყო-იარაღები.

სკოლა-ინტერნატების ერთ ნაწილს დიდი რაოდენობით აკლია სადემონსტრაციო ხელსაწყო-იარაღები. ახალ პროგრამებზე გადასვლასთან დაკავშირებით VI—VIII კლასებში მექანიკაში უნდა იყოს 58 დასახელების ხელსაწყო-იარაღი, მაგრამ რუსთავის სკოლა-ინტერნატს აქვს 25, მასტენცეთისას 18, ჩხოროწყუსას—8, გეგეჭკორისას—2 და ა. შ.

მოლეკულურ ფიზიკასა და სითბოში ნორმით გათვალისწინებულია 19 დასახელების ხელსაწყო, მაგრამ ატენის სკოლა-ინტერნატს აქვს მხოლოდ 7, ახალციხისას—6, გორდისას—2, წულუკიძისას კი არცერთი და ა. შ.

ელექტრობაში ნორმით დაწესებული 37 სახელწოდების ხელსაწყო-იარაღიდან ლაჯანურის სკოლა-ინტერნატს აქვს მხოლოდ 17, ახალდაბისას—12. მსგავს მდგომარეობას აქვს ადგილი ყაზბეგისა და წულუკიძის სკოლა-ინტერნატებში.

ფრონტალური ლაბორატორიული სამუშაოს შესრულებისათვის გათვალისწინებულია 41 სახელწოდების 204 ხელსაწყო-იარაღი, გორდის 8-წლიან სკოლა-ინტერნატს აქვს 6 სახელწოდების 30 ცალი ხელსაწყო, თბილისის რვა წლიანს—11 სახელწოდების 66 ხელსაწყო, თეთრიწყაროსას 22 სახელწოდების 58 ხელსაწყო.



პრაქტიკული სამუშაოს შესასრულებლად აუცილებელია სახელწოდების 27 ხელსაწყო. რესპუბლიკის თითქმის ყველა სკოლა-ინტერნატში არის მხოლოდ 4—5 დასახელების 4—10 ხელსაწყო.

სკოლა-ინტერნატებში ასევე მცირე რაოდენობითაა ნაბეჭდი დამიარე საშუალებანი, დიაგნოზიტიკები, დიავიომები, ხოლო სოულებით არ არის კინოფაგმენტები და კინორგოლები. ზოგჯერ კაბინეტები გადატვირთულია ზედმეტი ხელსაწყოებით.

არ იგრძნობა შეფუ ორგანიზაციებისა და მხარუნველთა საბჭოების დახმარება ამ საქმეში.

არსებითი ნაკლოვანებებით ხასიათდება ფიზიკის სწავლება შემოწმებულ სკოლა-ინტერნატების ერთ ნაწილში, მასწავლებლები სათანადოდ არ ემზადებიან გაკვეთილებისათვის, ვერ ფლობენ საგნის სწავლების მეთოდებს, ხერხებსა და ცდის დაყენების ტექნიკას.

გლდანის პირველ სპორტულ სკოლა-ინტერნატში ფიზიკას ასწავლის ქიმიკოსი თ. მახვილაძე. იგი ახალი მასალის ახსნის ნაცვლად სახელმძღვანელოში მოცემული ტექსტის მოკლე შინაარსს მოუთხრობს. VII კლასში თემის „აორთქლება და კონდესაციის“ გადაცემისას მან ვერ შესძლო აორთქლებისას სხეულის გაცივების ჩვენება. დასახელებული სკოლა-ინტერნატის მოსწავლე თა მომზადების დონე დაბალია.

ასევე მეთოდურად დაბალ დონეზე გადასცემს ფიზიკის გაკვეთილებს თბილისის 8-წლიანი სკოლა-ინტერნატის მასწავლებელი ვ. ტურიშვილი. მან ახალი მასალის—„კრიტალური სხეულების დნობა და გამყარება“ ახსნა დაამთავრა 10 წუთში და უმარტივესი ცდებიც კი არ უჩვენა.

პედაგოგიურ დახელოვნებას საჭიროებს საგურამოს სკოლა-ინტერნატის ფიზიკის მასწავლებელი ნ. ციხელაშვილი. იგი ამოცანების ამოხსნას ყოველგვარი ანალიზის გარეშე იწყებს, მას შეუმჩნეველი რჩება მოსწავლეების მიერ დაშვებული შეცდომები.

მნიშვნელოვანი ხარვეზებით ხასიათდება ახალი პროგრამით გათვალისწინებული საკითხების სწავლება. ქუთაისის საშუალო, თბილისისა და კომის რვაწლიანი სკოლა-ინტერნატების VI—VII კლასის მოსწავლეები (მასწ. ალ. სანიკიძე, ა. მაისურაძე, შ. ზვიადაძე) ვერ ერკვევიან საშუალო სიჩქარის, სითბოტევადობის, კუთრი სითბოტევადობისა და სიმკვრივის არსში.

სათანადო სიმალეზე არ დგას მოსწავლეთა აკადემიური წარმატების შემოწმებისა და შეფასების საკითხი. მოსწავლეთა მეოთხედური ნიშნები ხშირ შემთხვევაში გამოყვანილია მეოთხედში მხოლოდ ერთხელ გამოკითხვის საფუძველზე. არის ისეთი შემთხვევაც, როცა მეოთხედის მანძილზე მოსწავლე არცერთხელ არ არია შემოწმებული, მეოთხედის ბოლოს კი დადებითი ნიშნითაა შეფასებული.

პირველ მეოთხედში გორდის 8-წლიანი სკოლა-ინტერნატის VI კლასში (მასწ. ლ. ლაჭავა, აღმზრდელები: გ. ჩიქოვანი და გ. კვამბერიძე) 27 მოსწავლეა შეფასებული, აქედან ერთხელ გამოკითხვის საფუძველზე დაწერილია 13 ნიშანი, კომის სკოლა-ინტერნატში—45 მოსწავლეა (მასწ. შ. ზვიადაძე, აღმზრდელები: ნ. ხაჭაპურიძე და ნ. ფოცხვერია) ერთხელ გამოკითხვის საფუძველზე შეფასებულია 31, რვა მოსწავლეს მიმდინარე აღრიცხვით ეკუთვნის „2“, მეოთხედური შეფასება კი აქვს „3“. 11 მოსწავლე მეოთხედის განმავლობაში სრულიად არ ყოფილა შეფასებული, მაგრამ მეოთხედის ბოლოს შეფასებულია დადებითი ნიშნით.

ქ. ქუთაისის საშუალო სკოლა-ინტერნატის VII კლასში (მასწ. ა. სანიკიძე, აღმზრდელები: მ. იაშვილი და შ. შავგულიძე) შეფასებულია 33 მოსწავლე, აქედან ერთხელ გამოკითხვის საფუძველზე მეოთხედის ბოლოს ნიშანი აქვს დაწერილი 6-ს, ხოლო მიმდინარე აღრიცხვის გარეშე 27 მოსწავლეს.

გლდანის პირველ სპორტულ სკოლა-ინტერნატში პირველ მეოთხედში მასწავლეთა შეფასება ლიბერალურია (მასწ. გ. გავაშელი და თ. მახვილაძე). შესწავლილი სკოლა-ინტერნატების VI—VII კლასებში ხუთოსან მოსწავლეთა რიცხვი ფიზიკაში 2, 3—2, 5%-ს არ აღემატება.

შემოწმებამ ცხადყო, რომ მოსწავლეთა სუსტი ზომზადება განაპირობა სასწავლო პროცესის დაბალმა დონემ, სუსტმა მატერიალურმა ბაზამ, ფიზიკის მასწავლებლებისადმი არასაკმარისმა დახმარებამ და კონტროლმა.

მასწავლებლები გაცნობილი არ არიან საქართველოს სსრ განათლების სამინისტროს 1961 წლის 7 აგვისტოს № 583 ბრძანების „რვაწლიან და საშუალო სკოლებში ფიზიკის სწავლების გაუმჯობესების ღონისძიებათა შესახებ“ და 1964 წლის 13 თებერვლის საინსტრუქციო მეთოდურ წერილს „ზოგადსაგანმანათლებლო რვა-



წლიანი და საშუალო სკოლების მოსწავლეთა ცოდნის, უნარისა და ჩვევების შემოწმებისა და შეუასებას შესახებ“.

სკოლა-ინტერნატების ხელმძღვანელები არ უწევენ კონტროლს და დახმარებას ფიზიკის მასწავლებლებს. ფიზიკაში წრეობრივი მუშაობა ძირითადად მუხრანის კიბეებზე შემოიფარგლება. არ მუშაობენ ტექნიკური წრეები.

ფიზიკის კაბინეტის ლაბორანტები სუსტად მუშაობენ. მათ არ გააჩნიათ ექსპერიმენტის მომზადების ელემენტარული ჩვევები. ვერ ცნობენ ხელსაწყო-იარაღებს, რის გამოც საჭირო დახმარებას ვერ უწევენ ფიზიკის მასწავლებლებს.

არადაამკამყოფილებელია აღმზრდელთა ხელმძღვანელობა მოსწავლეთა დამოუკიდებელ მუშაობაზე. მიუხედავად იმისა, რომ თბილისისა და საგურამოს რეაწლიან სკოლა-ინტერნატებში აღმზრდელებად ფიზიკის მასწავლებლები (ა. მაისურაძე, ვ. ტური-შვილი, ნ. ციხიშვილი) არიან, მოსწავლეთა მომზადების დონე დასახლებულ საგანში დაბალია.

რაიონებისა და ქალაქების განყოფილებები იშვიათად ამოწმებენ სკოლა-ინტერნატებში ფიზიკის სწავლებას.

ვ ბ რ ძ • ნ ე ბ

1. სკოლა-ინტერნატების დირექტორებმა:

ა) უზრუნველყონ ფიზიკის კაბინეტები სათანადო დგამ-ავეჯით. სისტემატურად აწარმოონ მათი შევსება ხელსაწყო-იარაღებით, ნაბეჭდი დამხმარე საშუალებებით, დიაპოზიტივებითა და მასალებით;

ბ) ფიზიკის კაბინეტის მოწყობილობის მოვლა-დაცვაზე მატერიალური პასუხისმგებლობა, კაბინეტის გამკვებთან ერთად, დააკისრონ ლაბორანტებსაც;

გ) სისტემატურად შეამოწმონ ფიზიკის მასწავლებლების მუშაობა. აამაღლონ მასწავლებელთა პასუხისმგებლობა და იზრუნონ მათ მეოთხედურ დახელოვნებაზე;

დ) ისე დაგეგმონ სასწავლო სახელოსნოების მუშაობა, რომ გაიზარდოს ფიზიკის კაბინეტების შევსება თვითნაკეთი ხელსაწყო იარაღებით, დაზიანებული ხელსაწყოების შეკეთება და სადემონსტრაციო ცდებისათვის დგამების დამზადება.

2. ქალაქებისა და რაიონების განათლების განყოფილებათა გამკვებმა:



ა) სისტემატურად შეისწავლონ სკოლა-ინტერნატებში ახალი პროგრამებით ფიზიკის სწავლების მდგომარეობა და გაატარონ კონკრეტული ღონისძიებანი საგნის სწავლების გაუმჯობესებისათვის;

ბ) ჩაატარონ კაბინეტ-ლაბორატორიების ზუსტი აღწერა და ზედმეტი ხელსაწყო-იარაღები გადაანაწილონ სხვა სკოლებზე;

გ) მიიღონ გადამჭრელი ზომები ფიზიკის მასწავლებელთა რაიონული გაერთიანების მუშაობის სათანადო სიმაღლეზე დასაყენებლად.

3. სკოლების, სკოლა-ინტერნატებისა და საჯამოს სკოლების სამმართველოებმა (ამხ. ამხ. ა. ჩხიკვაძე, რ. კანდელაკი, ვ. ჩინჩალაძე):

ა) მოამზადონ დებულება ლაბორანტ ს უფლება-მოვალეობის შესახებ;

ბ) მოამზადონ საინსტრუქციო-მეთოდური წერილი საკონტროლო წერითი ნორმების შემოღების შესახებ ფიზიკაში.

4. მომარაგებისა და დამხმარე საწარმოთა სამმართველომ (ამხ. ს. არველაძემ) უზრუნველყოს სკოლა-ინტერნატები საჭირო რაოდენობის ფიზიკის ხელსაწყო-იარაღებით და მასალებით.

5. გაზეთ „სახალხო განათლებისა“ და ჟურნალ „სკოლა და ცხოვრების“ რედაქციებმა (ამხ. ამხ. ნ. შველიძე, ვ. საჯავია) სისტემატურად გამოაქვეყნონ წერილები ახალი პროგრამის მოთხოვნის შესაბამისად ფიზიკის სწავლების საკითხებზე.

6. სკოლა-ინტერნატებისა და საბავშვო სახლების სამმართველომ (ამხ. რ. კანდელაკი) თვალყური ადევნოს ამ ბრძანების შესრულების მიმდინარეობას.

საფუძველი: საქართველოს სსრ განათლების სამინისტროს კოლეგიის 1971 წლის 19 იანვრის დადგენილება.

საქართველოს სსრ განათლების
მინისტრი თ. ლაშქარაშვილი

საქართველოს სსრ განათლების სამინისტროს 1971 წ.
27 იანვრის ბრძანება № 34

საჩხერისა და ჭიათურის საბავშვო სახლების მუშაობის
შემოწმების შედეგების შესახებ

შემოწმებით დადგინდა, რომ ჭიათურის და საჩხერის საბავშვო სახლებს (დირექტორები შ. გოგოლაძე, გ. ხვედელიძე) მუშაობაში წარმატებებთან ერთად გააჩნიათ მთელი რიგი სერიოზული ნაკლოვანებანი.

ორივე საბავშვო სახლი მოთავსებულია შეგუებულ წენობებში, სადაც არ არის შექმნილი საჭირო პირობები აღსაზრდელთა სწავლა აღზრდისათვის. ჭიათურის საბავშვო სახლის ზოგიერთი კორპუსი ავარიულ მდგომარეობაშია. ომის გამო, რომ წლების განმავლობაში არ ჩატარებულა რემონტი, ხის საყრდენი ნაწილები მთლიანად გამოსაცვლელია, ხოლო სამზარეულოს იატაკი და საძინებელი კორპუსის აივანი საგრძნობლად დაწეული. სველი წერტილები გამოსულია წყობილებიდან. ხშირად ითიშება ელექტროდენი, რაც აფერხებს სამზარეულოს მუშაობას და ხელს უშლის დღის მეორე ნახევარში მეცადინეობის ჩატარებას.

საჩხერის საბავშვო სახლი მოთავსებულია ყოფილ საავადმყოფოს შენობაში. სიბნელეა საძინებელ და სამეცადინო ოთახებში. სააქტო დარბაზად გამოყენებულია შემინული დერეფანი, სადაც ზამთრის პერიოდში სიცივის გამო რაიმე ღონისძიების ჩატარება შეუძლებელია.

სივიწროვეა ორივე საბავშვო სახლის საძინებელში, სააღმზრდელო ჯგუფებში, იზოლატორებში, სასადილოებსა და სამზარეულოებში.

ჭიათურის საბავშვო სახლის ეზო კეთილმოუწყობელია. დღემდე გაუკეთებელია შიდა მისასვლელი გზები. ხმარებიდან გამოსულია ზოგიერთი რბილი და მაგარი ინვენტარი: საწოლები, მაგი-

დები, საბნები, ლეიბები და სხვა. საკმაო რაოდენობით არ აქვთ
სკამები. ბავშვები სხედან პრიმიტიულად დამზადებულ გრძელ-
მერხებზე.

შემოწმებულ საბავშვო სახლებში ნაკლები ყურადღება ექცევა
აღსაზრდელთა სამედიცინო მომსახურებას. არ აქვთ გოგონებისა
და ვაჟებისათვის ცალკე იზოლატორი, აკლიათ ზოგიერთი სახის
სამედიცინო ინვენტარი. ქოთურის საბავშვო სახლის შენობა-ნაგე-
ბობებში ყველგან არ არის დაცული სანიტჰიგიენური პირობები.
ადგილი აქვს ბავშვთა ავადმყოფობის შემთხვევებს.

საბავშვო სახლების დღის რეჟიმი არ არის შედგენილი თი-
თოეული საღმწრდლო ჯგუფისათვის დიფერენციულად. მასში
არაა გათვალისწინებული ბავშვთა ასაკობრივი თავისებურე-
ბანი.

ჭიათურის საბავშვო სახლის აღმზრდელთა სამუშაო გეგმები
ზოგადია. იგი არ დგება ბავშვთა ინტერესების გათვალისწინებით.
საბავშვო სახლის დირექტორის მოადგილეს საღმწრდლო დარგში
მ. სამხარაძეს სამუშაო გეგმები ზერელედ აქვს განხილული, რის
შედეგად აღმზრდელების ვ. სამყურაშვილის, დ. მენაპირის, ლ. ფხა-
ლაძისა და ნ. მოდებაძის მეოთხედურ სამუშაო გეგმებში დაშვე-
ბულია ორთოგრაფიული, პუნქტუაციური და სტილისტური ხასია-
თის შეცდომები.

გარკვეული ნაკლოვანებებით ხასიათდება საბავშვო სახლის
პედსაბჭოს მუშაობა. ჭიათურის საბავშვო სახლის პედსაბჭოს სხდო-
მებზე არ აქვთ განხილული აღმზრდელობითი ხასიათის საკითხები.
სხდომებზე მიღებული დადგენილებები ზოგადია.

შემოწმებულ საბავშვო სახლებში დაბალ დონეზეა დაყენებუ-
ლი კულტმასობრივი მუშაობა. ნაკლებად ტარდება ღონისძიებანი
აღსაზრდელთა ესთეტიკური აღზრდის გასაუმჯობესებლად. არ
ენწყობა ბავშვთა ნამუშევრების გამოფენა, ექსკურსიები და
სხვა.

საბავშვო სახლებში არადამაკმაყოფილებლადია დაყენებული
აღსაზრდელთა შრომითი სწავლება. სახელოსნოებისათვის გამო-
ყოფილია მცირე ფართობის ოთახები, შექმნილი არ აქვთ საჭი-
რო იარაღები და ხელსაწყოები. საჩხერის საბავშვო სახლის კრა-
კერვის ოთახში მხოლოდ ერთი საკერავი მანქანაა და ისიც დაზიან-
ებული.



აღნიშნული საბავშვო სახლები სათანადოდ არ მარაგდება საჭირო რაოდენობის კვების პროდუქტებით. აღსაზრდელთა კვების მენიუ ხშირად ერთფეროვანია.

ამჟამად საჩხერის საბავშვო სახლის მშენებლობა შეჩერებულია სათანადო სახსრების უქონლობის გამო, ხოლო ჭიათურის საბავშვო სახლის ახალი შენობის დაპროექტება ნელი ტემპით მიმდინარეობს.

ჭიათურისა და საჩხერის საბავშვო სახლებს აღსაზრდელთა სწავლა-აღზრდისა და საყოფაცხოვრებო პირობების გასაუმჯობესებლად

გ ბ რ ძ ა ნ ე ბ

1. ჭიათურისა და საჩხერის საბავშვო სახლების დირექტორებმა (ამხ. ამხ. შ. გოგოლაძემ, გ. ხვედელიძემ):

ა) გადაჭრით გააუმჯობესონ საბავშვო სახლის მუშაობისადმი ხელმძღვანელობა და კონტროლი, მიაღწიონ მთელი პედაგოგიური პერსონალის პირადი პასუხისმგებლობის ამაღლებას;

ბ) განამტკიცონ დისციპლინა აღსაზრდელთა შორის, ყოველმხრივ გაზარდონ საბავშვო სახლების აღმზრდელთა პასუხისმგებლობა ცოდნის ამაღლების საქმეში;

გ) პედაგოგიურ საბჭოს სხდომებზე სისტემატურად განიხილონ სასწავლო-აღმზრდელობითი ხასიათის საკითხები და დასახონ კონკრეტული ღონისძიებანი არსებულ ნაკლოვანებათა გამოსასწორებლად;

დ) განსაკუთრებული ყურადღება მიაქციონ საბავშვო სახლების მატერიალური ბაზის განმტკიცებას, იზრუნონ სახელოსნოების საჭირო ხელსაწყო-იარაღებითა და სამუშაო მასალებით შესავსებად;

ე) მიიღონ ყველა ზომა საბავშვო სახლებში სანიტარულ-ჰიგიენური წესების დაცვისა და აღსაზრდელთა სამედიცინო მომსახურების ჯეროვან სიმაღლეზე დასაყენებლად;

ვ) მეტი ყურადღება მიაქციონ აღსაზრდელებში თვითმომსახურებას და პირადი ჰიგიენის ჩვევებას დანერგვას.

2. ჭიათურისა და საჩხერის რაიონების განათლების განყოფილებათა გამგეებმა (ამხ. ამხ. გ. ცხადიაშვილი, ა. ლომიძე).

ა) სისტემატურად იზრუნონ საბავშვო სახლების აღსაზრდელთა საყოფაცხოვრებო პირობების გასაუმჯობესებლად;

ბ) საჭირო დახმარება გაუწიონ საბავშვო სახლებს შენობის რეკონსტრუქციის დამთავრებისა და კაპიტალური რემონტის დროულად ჩატარების საქმეში;

გ) 1971 წლის 10 სექტემბრამდე განათლების სამინისტროს წარმოდგინონ მოხსენებითი ბარათები ამ ბრძანებაში აღნიშნული ნაკლოვანებების სალიკვიდაციოდ ჩატარებული მუშაობის შესახებ.

3. საბავშვო სახლების მუშაობაში არსებული სერიოზული ნაკლოვანებებისათვის ჭიათურის საბავშვო სახლის დირექტორს შ. გოგოლაძეს გამოეცხადოს საყვედური.

4. მომარაგებისა და დახმარე საწარმოთა სამმართველომ (ამხ. ს. არველაძე) უზრუნველყოს საბავშვო სახლები საჭირო რაოდენობის რბილი და მაგარი ინვენტარით.

5. სკოლა-ინტერნატებისა და საბავშვო სახლების სამმართველომ (ამხ. რ. კანდელაკი):

ა) საჭირო კონტროლი დააწესოს ამ ბრძანების შესრულებაზე;

ბ) 1971 წლის IV კვარტალში ადგილზე მოახდინოს აღნიშნული დადგენილების შესრულების მიმდინარეობის შემოწმება და შედეგი მოახსენოს საქართველოს სსრ განათლების სამინისტროს კოლეგიას.

საფუძველი: საქართველოს სსრ განათლების სამინისტროს კოლეგიის 1971 წლის 15 იანვრის დადგენილება.

საქართველოს სსრ განათლების
მინისტრი თ. ლაშქარაშვილი

საქართველოს სსრ განათლების სამინისტროს 1971 წ.

1 თებერვლის ბრძანება № 54

თელავის, ზუგდიდის, ვანისა და ჩოხატაურის რაიონების ზოგიერთ სკოლაში ახალი პროგრამით ბიოლოგიის სწავლების მდგომარეობის შესახებ

გავეცანი რა თელავის, ზუგდიდის, ვანისა და ჩოხატაურის რაიონების ზოგიერთ სკოლაში ბიოლოგიის სწავლების შემოწმების შედეგებს, აღვნიშნავ, რომ ბიოლოგიაში ახალი პროგრამით და სახელმძღვანელოთი მუშაობამ უდაოდ ხელი შეუწყო ამ საგნის სწავლების გაუმჯობესებას.

მასწავლებელთა დიდი ნაწილი თავის მუშაობაში მტკიცედ ეყრდნობა ბიოლოგიური მეცნიერების ახალ მიღწევებს, მოსწავლეებს აძლევს მტკიცე და საფუძვლიან ცოდნას, ხელს უწყობს მათში მატერიალისტური მსოფლმხედველობის ჩამოყალიბებას, უვითარებს სიყვარულს ბუნებისადმი; უზრუნველყოფს სწავლებაში თეორიისა და პრაქტიკის ერთიანობას.

ბიოლოგიას დამაკმაყოფილებლად ასწავლიან ლ. სართანია (ზუგდიდის რაიონის ახალსოფლის საშუალო სკოლა), ზ. ნარსია (ზუგდიდის რაიონის ორსანტიის საშუალო სკოლა), ა. ჟღენტი და ე. კუტუბიძე (ჩოხატაურის რაიონის ხიდისთავის საშუალო სკოლა), ლ. გიორგაძე (ჩოხატაურის რაიონის, დაბლაციხის საშუალო სკოლა), ს. გალახვარიძე (თელავის რაიონის კონდოლის საშუალო სკოლა), ე. დათუკაშვილი (თელავის რაიონის წინანდლის საშუალო სკოლა). ეს მასწავლებლები ბიოლოგიის გაკვეთილებს მომზადებულად ატარებენ, იყენებენ თვალსაჩინოებას, ცოცხალ მასალას, ტექნიკურ საშუალებებს, ატარებენ ახალი პროგრამით გათვალისწინებულ ლაბორატორიულ მეცადინეობებსა და პრაქტიკულ სამუშაოებს, ცდებს, დაკვირვებებს, ექსკურსიებს.

ნაყოფიერ მუშაობას ეწევა მასწავლებელი ლ. სართანაძის ხელმძღვანელობით მოსწავლეები ატარებენ ბიოლოგიის ახალი პროგრამით გათვალისწინებულ ყველა ცდასა და დაკვირვებას, შეგნებულად პასუხობენ როგორც თეორიული ისე პრაქტიკული ხასიათის საკითხებზე.

მიუხედავად ზემოაღნიშნულისა, თელავის, ზუგდიდის, ვანისა და ჩოხატაურის რაიონების რიგ სკოლებში ბიოლოგიის მასწავლებლებში აღდგლი აქვს არსებითი ხასიათის ნაკლოვანებებს.

არაღამაკმაყოფილებლად ასწავლიან ბიოლოგიას ნ. ვახტანგიშვილი (თელავის I საშუალო სკოლა), ნ. სიხარულიძე (ჩოხატაურის I საშუალო სკოლა), ლ. ნანავა და ლ. ცხაკაია (ზუგდიდის რაიონის დარჩელის, საშუალო სკოლა), შ. დვალისხვილი (ვანის რაიონის ისრითის საშუალო სკოლა). ეს მასწავლებლები სათანადოდ არ ემზადებიან გაკვეთილებისათვის, არ იმადლებენ კვალიფიკაციას, კმაყოფილებიან მხოლოდ იმით, რაც უმაღლეს სასწავლებელში შეუსწავლიათ. მოსწავლეებს არ აქვთ მასალის საფუძვლიანი ცოდნა. მასწავლებელმა ლ. ნანავამ VI კლასში ერთ-უჯრედიანი წყალმცენარეები ახსნა მხოლოდ ქლამიდომონადის მაგალითზე და არაფერი უთხრა მოსწავლეებს ქლორელასა და პლევროკოკის შესახებ. მასწავლებელმა მ. დვალისხვილმა VIII კლასში ახალი მასალა „სუნთქვის მნიშვნელობა და ცხვირის ღრუ“ ყოველგვარი თვალსაჩინოების გარეშე ახსნა, მაშინ, როცა კაბინეტში ჰქონდა ამის შესაძლებლობა. ასევე ზეპირსიტყვიერად ახსნა ახალი მასალა VII კლასში—„უკუდო ამფიბიები“.

ახალ სასწავლო პროგრამებზე და სახელმძღვანელოებზე გადასვლასთან დაკავშირებით მეტი მუშაობა სჭირდებათ ვანის რაიონის ამადლებისა და შუამთის საშუალო სკოლების მასწავლებლებს შ. ჭყონიას და ე. გოგაძეს, ზუგდიდის რაიონის ორსანტიის საშუალო სკოლის მასწავლებელს ვ. ჯიჭონაიას, იმავე რაიონის ოქტომბრის საშუალო სკოლის მასწავლებლებს ვ. რაფავას და გ. ლოგუას.

შესწავლილი სკოლების ერთ ნაწილში ბიოლოგიის კაბინეტებისათვის არ არის გამოყოფილი სათანადო ოთახები; კაბინეტები მეტად ღარიბია თვალსაჩინო ხელსაწყო-იარაღებითა და მასალებით, განსაკუთრებით ზოგად ბიოლოგიაში; არ გააჩნიათ სადემონსტრაციო და მოსწავლეთა მაგიდები, რის უქონლობაც დიდად



ათერხებს პროგრამით გათვალისწინებული ლაბორატორიული მეცადინეობისა და პრაქტიკული სამუშაოების ჩატარებას.

შემოწმებული სკოლების უმრავლესობაში სუსტად არის გამოყენებული სასწავლო-საცდელი ნაკვეთები. არ ტარდება პროგრამით გათვალისწინებული ცდები (თემატიკის მიხედვით).

სკოლებში სუსტად მუშაობენ ნორჩ ნატურალისტთა წრეები. მათ მეცადინეობაზე ძეტწილად კმაყოფილებიან რეფერატების კითხვით, პრაქტიკულ საკითხებს და ცდებს კი ნაკლები ყურადღება ეთმობა.

მასწავლებლების ნაწილი სრულიად არ მოითხოვს მოსწავლეებისაგან ბიოლოგიაში სპეციალური რვეულების წარმოებას, ზოგიერთი კი სათანადო ყურადღებას არ აქცევს მათ შემოწმებას.

საკონტროლო წერების ჩატარებისა და მათი გასწორების საქმეშიც შეინიშნება ბევრი ნაკლოვანებანი.

სკოლის დირექტორების უმრავლესობა იშვიათად ესწრება ბიოლოგიის გაკვეთილებს; მასწავლებლებს სათანადო მეთოდურ დახმარებას არ უწყევენ აგრეთვე რაიონული პედაგოგიური კაბინეტები.

გ ბ რ ძ ა ნ ე ბ

1. ბიოლოგიის მასწავლებლებმა:

ა) თავის თავზე სისტემატური მუშაობით აიმაღლონ კვალიფიკაცია, ღრმად დაეუფლონ ახალ პროგრამებს, საგანს და მისი სწავლების მეთოდებს. საფუძვლიანად მოეჩხადონ ყოველი გაკვეთილისათვის და უზრუნველყონ მისი მაღალ იდეურ-თეორიულ დონეზე ჩატარება;

ბ) მიიღონ საჭირო ზომები სასწავლო კაბინეტების მოწყობისა და შევსებისათვის, სრულ წესრიგში მოიყვანონ ხელსაწყო-იარაღები და აწარმოონ მათი ზუსტი აღრიცხვა. ამ საქმეში უზრუნველყონ მოსწავლეთა აქტიური ჩაბმა;

გ) არ დაუშვან ოვალსაჩინოების გარეშე გაკვეთილების ჩატარება. სისტემატურად ჩაატარონ პროგრამით გათვალისწინებული ლაბორატორიული მეცადინეობები და პრაქტიკული სამუშაოები, ამასთან აწარმოონ ჩატარებული მუშაობის აღრიცხვა;

დ) უზრუნველყონ სასწავლო-საცდელი ნაკვეთის მაქსიმალურად გამოყენება სწავლებაში და ბიოლოგიის პროგრამით სასწავ-



ლო-საცდელ ნაკვეთზე გათვალისწინებული ცდების (თემატიკის მიხედვით) დაყენება.

ე) გამოუმუშაონ მოსწავლეებს ლაბორატორიაში (კაბინეტში). ცოცხალ კუთხეში და საცდელ ნაკვეთზე მუშაობის ჩვევები, გააუქმდესონ მოსწავლეთა დამოუკიდებელი მუშაობის ორგანიზაცია, მოაწიონ მოცემულ დავალებათა შესრულების სისტემატური შემოწმება.

ვ) დანერგონ მოსწავლეთა შორის ბიოლოგიის სპეციალურ რვეულებში გაკვეთილის მსვლელობისას ლაბორატორიული მეცადინეობისა და ცდების მნიშვნელოვანი მომენტების ჩახაზვა და დასკვნების ჩაწერა;

ზ) გადაჭრით გააუმჯობესონ სწავლებაში ტექნიკურ საშუალებათა გამოყენების საქმე;

თ) ფართოდ დანერგონ მოსწავლეებში გაკვეთილებზე გამოსაყენებელი მარტივი ხელსაწყო იარაღების დამზადების პრაქტიკა. დაავალონ მოსწავლეებს ჰერბარიუმების, კოლექციების, პრეპარატების, ჩონჩხების, ფიტულების და სხვათა დამზადება;

ი) გააძლიერონ კლასგარეშე მუშაობა ბიოლოგიაში, ნორჩ ნატურალისტთა წრეებში განსაკუთრებული ყურადღება მიაქციონ მოსწავლეთა პრაქტიკულ მუშაობას, ცდებსა და მათი ამსახველი ფოტოგაზეთებისა და ალბომების მომზადებას;

კ) უზრუნველყონ ბიოლოგიაში პერიოდულად სეზონურად, ხოლო მეოთხედში არა ნაკლებ ერთი საკონტროლო წერის ჩატარება ცალკეული კლასების მიხედვით, გულდასმით გაასწორონ მოსწავლეთა ნამუშევრები.

2. სკოლების დირექტორებმა:

ა) უზრუნველყონ ბიოლოგიის სწავლებისათვის საჭირო სასწავლო მატერიალური ბაზის შექმნა, კაბინეტები შეავსონ ხელსაწყო-იარაღებით, მოაწიონ ცოცხალი კუთხეები მცენარეებითა და ცხოველებით (თევზები, ფუტკარი, კურდღელი), კაბინეტები აღჭურვილნი სადემონსტრაციო და მოსწავლეთა მაგიდებით;

ბ) სისტემატურად შეამოწმონ კაბინეტებისა და მათში არსებული ხელსაწყო-იარაღების სწავლებაში გამოყენების მდგომარეობა;

გ) გააძლიერონ დახმარება და კონტროლი ბიოლოგიის მასწავლებელთა მუშაობაზე. სისტემატურად დაესწრონ გაკვეთილებზე



და მოაწყონ მოსმენილი გაკვეთილების მეცნიერული, პედაგოგიური და მეთოდური გარჩევა;

დ) გააუმჯობესონ მეთოდური მუშაობა სკოლაში, განსაკუთრებული ყურადღება მიაქციონ მასწავლებელთა საუკეთესო გამოცდილების განზოგადებას და აღმოფხვრან ფორმალიზმი ამ საქმეში.

3. სახალხო განათლების განყოფილებებმა:

ა) პერიოდულად შეისწავლონ ბიოლოგიის სწავლების მდგომარეობა და დასახონ საჭირო ღონისძიებანი მის გასაუმჯობესებლად;

ბ) პედაგოგიურ კაბინეტთან არსებულ ბიოლოგიის მასწავლებელთა სექციებში სხვა მნიშვნელოვან საკითხებთან ერთად მოისმინონ იმ მასწავლებელთა მოხსენებები, რომლებმაც ბიოლოგიის მასწავლებელთა დახელოვნების კურსები გაიარეს უკანასკნელ პერიოდში, აგრეთვე ჩაატარონ ლაბორატორიული მეცადინეობები და მოაწყონ ახალი ხელსაწყო-იარაღების შესწავლა;

გ) გადასინჯონ ამ ბრძანებაში აღნიშნული სუსტად მომუშავე მასწავლებელთა საკითხი და ახალი სასწავლო წლიდან გაატარონ სათანადო ღონისძიებანი მათ მიმართ.

საფუძველი: საქართველოს სსრ განათლების სამინისტროს კოლეგიის 1971 წლის 19 იანვრის დადგენილება.

საქართველოს სსრ განათლების
მინისტრი **თ. ლაშქარაშვილი**

შ ი ნ ა ა რ ს ი

1. ინსტრუქცია—ზოგადსაგანმანათლებლო საშუალო სკოლის მოსწავლეთა ყოფა-ქცევის შეფასების შესახებ	3
2. ამონაწერი—საქართველოს სსრ განათლების სამინისტროს კოლეგიის 1970 წლის 25 დეკემბრის სხდომის ოქმიდან	6
3. საღამოს (ცვლის) და დაუსწრებელი სკოლების IX—XI კლასებში ქართული ენის სწავლების ზოგი საკითხისა და სასწავლო მასალის განაწილების შესახებ	8
4. დებულება—ზოგადსაგანმანათლებლო სკოლის მშობელთა კომიტეტის შესახებ	20
5. Положение о родительском комитете общеобразовательной школы	25
6. დადგენილება—1970—1971 სასწავლო წლისათვის სკოლების სკოლა-ინტერნატებისა და საბავშვო დაწესებულებების საუკეთესოდ მომზადებისათვის გაშლილი სოციალისტური შეჯიბრების შედეგების შესახებ	30
7. დადგენილება—საბჭოთა კავშირის კომუნისტური პარტიის XXIV ყრილობისადმი მიძღვნილი მოსწავლეთა თხზულების—„პარტია ჩვენი ებოქის გონება, ღირსება და სინდისი“—IV საკავშირო დათვლიერებაში საქართველოს სსრ მოსწავლეთა მონაწილეობის შესახებ	33
8. ბრძანება № 23—დამხმარე სკოლა-ინტერნატების ახალი პროგრამების შესახებ	39
9. ბრძანება № 29—სიღნაღის დამხმარე და ყრუ ბავშვთა სკოლა-ინტერნატებში სსრ კავშირის განათლების სამინისტროს 1970 წლის 6 თებერვლის დადგენილებისა და საქართველოს სსრ განათლების სამინისტროს 1970 წლის 8 მაისის ბრძანების შესრულების მომდინარეობის შესახებ	42
10. ბრძანება * 31—ხაშურის რაიონის სოფ. ალის საშუალო სკოლაში მომხდარი ხანძრის შესახებ	45
11. ბრძანება № 32—რესპუბლიკის სკოლა-ინტერნატების V—VII კლასებში ახალი პროგრამებით ფიზიკის სწავლების მდგომარეობის შესახებ	47
12. ბრძანება № 34—საჩხერისა და ჭიათურის საბავშვო სახლების მუშაობის შემოწმების შედეგების შესახებ	53
13. ბრძანება № 54—თელავის, ზუგდიდის, ვანისა და ჩოხატაურის რაიონების ზოგიერთ სკოლაში ახალი პროგრამით ბიოლოგიის სწავლების მდგომარეობის შესახებ	57

რედაქტორი უშ. ობოლაძე
კორექტორი ე. აგლაძე

ფასი 14 კაპ.

ხელმოწერილი დასაბეჭდად 27/V-71 წ. ინაწყოების ზომა 6×9,5,
ქაღალდის ზომა 60×84, სასტამბო ფორმათა რაოდენობა 4,

შეკვ. № 511.

უე—05977

ტირაჟი 5.000.

საქართველოს სსრ მინისტრთა საბჭოს ბეჭდვითი სიტყვის სახელმწიფო
კომიტეტის მთავარბოლიგრაფმრეწველობის სტამბა № 12, უშ. ჩხეიძის ქ. № 19.
Типография № 12 Главполиграфпрома Комитета по печати при Совете
Министров ГССР ул. Уш. Чхендзе № 19